

四庫全書薈要

• 乾隆御覽本

子部

黃帝內經素問卷七

唐王冰次注

宋林億等校正

經脈別論

藏氣法時論

宣明五氣篇

血氣形志篇

經脈別論篇第二十一

新校正云按全元起本在第四卷中

黃帝問曰人之居處動靜勇怯脈亦為之變乎岐伯對

曰凡人之驚恐恚勞動靜皆為變也

變謂變易常候

是以夜行

則喘出於腎

腎王於夜氣合幽冥故夜行則喘息內從腎出也

淫氣病肺

夜行腎勞

因而喘息氣淫不次則病肺也

有所墮恐喘出於肝

恐生於肝墮損筋血因而奔喘故出

於肝也

淫氣害脾

肝木妄淫害脾土也

有所驚恐喘出於肺

驚則心無所倚

神無所歸氣亂胃中故喘出於肺也

淫氣傷心

驚則神越故氣淫反傷心矣

度水跌仆

喘出於腎與骨

濕氣通腎骨腎主之故度水跌仆喘出腎骨矣跌謂足跌仆謂身倒也

當

是之時勇者氣行則已怯者則著而為病也

氣有強弱神有壯懦

故殊狀也故曰診病之道觀人勇怯骨肉皮膚能知其情以

為診法也

通達性懷得其情狀乃為深識診辨物宜也

故飲食飽甚汗出於

胃

飽甚胃滿故汗出於胃也

驚而奪精汗出於心

驚奪心精神氣浮越陽內薄之故汗

出於持重遠行汗出於腎

骨勞氣越腎復過疲故持重遠行汗出於腎也

疾走

恐懼汗出於肝

暴役於筋肝氣罷極故疾走恐懼汗出於肝也

搖體勞苦汗出

於脾

搖體勞苦謂動作施力非疾走遠行也然動作用力則穀精四布脾化水穀故汗出於脾也

故

春秋冬夏四時陰陽生病起於過用此為常也

性而強其

云為過即病生此其常理五臟受氣蓋有常分用而過耗是以病生故下文曰

食氣入胃散精

於肝淫氣於筋

肝養筋故胃散穀精之氣入於肝則浸淫滋養於筋絡矣

食氣入胃

濁氣歸心淫精於脈

濁氣穀氣也心居胃上故濁氣歸心淫溢精微入於脈也何者心主

脈故脈氣流經經氣歸於肺肺朝百脈輸精於皮毛

言脈氣流

運乃為大經經氣歸宗上朝於肺肺為華蓋位復居高治節由之故受百脈之朝會也平人氣象論曰藏真高

於肺以行榮衛陰陽由此故肺朝毛脈合精行氣於府

百脈然乃布化精氣輪於皮毛矣

府謂氣之所聚處也是謂氣府精神明留於四藏氣歸

海在兩乳間名曰膻中也

於權衡膻中之布氣者分為三隧其下者走於氣街上

也如是分化乃四藏安定三焦

權衡以平氣口成寸以

平均中外上下各得其所也

決死生三世脈法皆以三寸為寸關尺之分故中外高下氣緒均平則氣口之脈而成寸也夫氣口者

脈之大要會也百脈盡飲入於胃遊溢精氣上輸於脾

朝故以其分決死生也

水飲流下至於中焦水化精微上為雲霧雲霧散變脾

乃注於脾靈樞經曰上焦如霧中焦如漚此之謂也

氣散精上歸於肺通調水道下輸膀胱

水土合化上滋肺金金氣通腎

故調水道轉注下焦膀胱裏化乃為水精四布五經並

洩矣靈樞經曰下焦如瀆此之謂也

從是水精布經氣行筋骨成血

行合於四時五藏陰陽揆度以為常也

氣行筋骨成血

氣順配合四時寒暑證符五藏陰陽揆度盈虛用為常

道度量也以用也

新校正云按一本云陰陽動靜

太陽藏獨至厥喘虛氣逆是陰不足陽有餘也

陰謂腎陽謂膀胱

厥也故表裏當俱寫取之下俞

陽獨至謂陽氣盛至也陽獨至為陽有餘陰不

足則陽邪入故表裏俱寫取足六俞也下俞足俞也
新校正云詳六當為穴字之誤也按府有六俞藏止五
俞今藏府俱寫不當言六俞六俞則藏府兼舉
則不能兼藏言穴俞則藏府兼舉

重并也當寫陽補陰取之下俞

陽氣重并故寫陽補陰

少陽藏獨

至是厥氣也踰前卒大取之下俞

踰謂陽踰脈在足外踝下足少陽脈行抵

絕骨之端下出外踝之前循足跗然踰前卒大則少陽之氣盛也故取足俞少陽也

少陽獨至者

一陽之過也

一陽少陽也過謂太過也以其太過故踰前卒大焉

太陰藏搏者用

心省真

見太陰之脈伏鼓則當用心省察之若是真藏之脈不當治也

五脈氣少胃氣

不平三陰也

三陰太陰脾之脈也五藏脈少胃氣不調是亦太陰之過也

宜治其下

俞補陽寫陰

以陰氣太過故

一陽獨嘯少陽厥也

嘯謂耳中鳴如嘯聲也膽

及三焦脈皆入耳故氣逆上則耳中鳴

新校正云詳

此上明三陽此言三陰今此再言少陽而不及少陰者

疑此一陽乃二陰之誤也又按全元陽并於上四脈爭起本比為少陰厥顯知此即二陰也

張氣歸於腎

心脾肝肺四脈爭張陽并於上者是腎氣不足故氣歸於腎也

宜治其經

絡寫陽補陰

陰氣足則陽氣不復并於上矣

一陰至厥陰之治也真虛

痛心厥氣留薄發為白汗調食和藥治在下俞

一或作二誤也

厥陰一陰也上言二陰至則當少陰治下言厥陰治則當一陰至也然三墳之經俗久淪墜人少披習字多傳

誤寫帝曰太陽藏何象岐伯曰象三陽而浮也帝曰少陽

藏何象岐伯曰象一陽也一陽藏者滑而不實也帝曰

陽明藏何象岐伯曰象大浮也

新校正云按大素及全元起本云象心之太浮

也太陰藏搏言伏鼓也二陰搏至腎沈不浮也

明前獨至之脈

狀也

新校正云詳前脫二陰此無一陰關文可知

藏氣法時論篇第二十二

新校正云按全元起本在第一卷又於第六卷脈要篇末

重出

黃帝問曰合人形以法四時五行而治何如而從何如而逆得失之意願聞其事岐伯對曰五行者金木水火

土也更貴更賤以知死生以決成敗而定五藏之氣間

甚之時死生之期也帝曰願卒聞之岐伯曰肝主春

木足厥陰少陽主治厥陰肝脈少陽膽脈其日甲乙乙甲

也木足厥陰少陽主治肝苦急急食甘以緩之甘性和緩新校正云

為木東肝苦急急食甘以緩之按全元起云肝苦急是

其氣心主夏以應火也手少陰太陽主治少陰心脈太陽小

有餘心主夏火也心苦緩急食酸以收之酸性

故治其日丙丁丙丁為火南方干也脾主長夏長夏謂六月也夏為

本云心甚緩是心氣虛脾主長夏而治故云長夏新校正云按全元起云脾主四季六

年之半故脾

足太陰陽明主治

太陰脾脈陽明胃脈脾與胃合故治同

其

日戊己

戊己為土中央干也

脾苦濕急食苦以燥之

苦性乾燥

肺主秋

以應金也

手太陰陽明主治

太陰肺脈陽明大腸脈肺與大腸合故治同

其日庚

辛

庚辛為金西方干也

肺苦氣上逆急食苦以泄之

苦性宣泄故肺用之

新

校正云按金元起云肺氣上逆是其氣有餘

腎主冬

以應水也

足少陰太陽主治

少陰腎脈太陽膀胱脈腎與膀胱合故治同

其日壬癸

壬癸為水北方干也

腎苦燥急

食辛以潤之開腠理致津液通氣也

辛性津潤也然腠理開津液達則肺

氣下流腎與肺通故云通氣也

病在肝愈於夏

子制其鬼也餘愈同

夏不愈甚於

秋

子休鬼復王也餘甚同

秋不死持於冬

鬼休而母養故氣執持於父母之鄉也餘持同

起於春

自得其位故復起餘起同

禁當風

以風氣通於肝故禁而勿犯

肝病者愈

在丙丁

丙丁應夏

丙丁不愈加於庚辛

庚辛應秋

庚辛不死持於

壬癸

壬癸應冬

起於甲乙

木也應春

肝病者平旦慧下晡甚夜半

靜

木王之時故爽慧也金王之時故加甚也水王之時故靜退也餘慧甚同其靜小異

肝欲散急

食辛以散之

以藏氣常散故以辛發散也陰陽應象大論曰辛甘發散為陽也平人氣象論曰藏

真散於肝言其常發散也

用辛補之酸寫之

辛味散故補酸味收故寫新校正云按全元

起本云用酸補之病在心愈在長夏長夏不愈甚於冬

冬不死持於春起於夏

如肝例也

禁溫食熱衣

熱則心躁故禁止之

心

病者愈在戊己

戊己應長夏也

戊己不愈加於壬癸

壬癸應冬

壬癸

不死持於甲乙

甲乙應春

起於丙丁

應夏火也

心病者日中慧夜

半甚平旦靜

亦休王之義也

心欲與急食鹹以與之

以藏氣好更故以言

柔與也平人氣象論曰藏真通於心言其常欲柔與也

用鹹補之甘寫之

鹹補取其柔與

甘寫取其舒緩

病在脾愈在秋秋不愈甚於春春不死持於夏

起於長夏禁溫食飽食濕地濡衣

溫濕及飽並傷脾氣故禁止之

脾病者

愈在庚辛

應秋氣也

庚辛不愈加於甲乙

應春氣也

甲乙不死持

於丙丁

應夏氣也

起於戊己

應長夏也

脾病者日昃慧日出甚

新校

正云按甲乙經日出作平旦雖日出與平旦時等按前文言木王之時皆云平旦而不云日出蓋日出於冬夏之期有早晚不若平旦之為得也

下晡靜

土王則爽慧木剋則增甚金扶則靜退亦休王之義也一

本或云日中持者謬也原五藏之病皆以勝相加至其所生而愈至其所不勝而甚至於所生而持自得其位而起由是故皆有間

脾欲緩急食甘以緩之

甘性緩和甚之時死生之期也

用苦寫之甘補之

苦寫取其堅燥甘補取其安緩

病在肺愈在冬冬不

愈甚於夏夏不死持於長夏起於秋

例如肝也

禁寒飲食寒

衣肺惡寒氣故衣食禁之靈樞經曰形寒寒飲則傷肺

病者愈在壬癸

應冬水也

壬癸不愈加於丙丁

應夏火也

丙丁不

死持於戊己

長夏土也

起於庚辛

應秋金也

肺病者下晡慧日中

甚夜半靜

金王則慧水王則靜火王則甚

肺欲收急食酸以收之

以酸性收

飲故也用酸補之辛寫之

酸收飲故補辛發散故寫

病在腎愈在春春

不愈甚於長夏長夏不死持於秋起於冬

例如肝也

禁犯燥

煖熱食溫炙衣

腎性惡燥故此禁之新校正云按別本燥作燥

腎病者愈在甲

乙應春木也

甲乙不愈甚於戊己

長夏土也

戊己不死持於庚辛

應秋金也起於壬癸

應冬水也

腎病者夜半慧四季甚下晡靜

水王

則慧土王則甚金王則靜

腎欲堅急食苦以堅之

以苦性堅燥也

用苦補之

鹹寫之

也苦補取其堅也鹹寫取其柔也與濕土制也故用寫之

夫邪氣之客於身

也以勝相加

邪者不正之目風寒暑濕饑飽勞逸皆是邪也非惟鬼毒疫癘也

至其所

生而愈

謂至已所生也

至其所不勝而甚

謂至剋已之氣也

至於所生

而持

謂至生已之氣也

自得其位而起

居所王處謂自得其位也

必先定五

藏之脈乃可言間甚之時死生之期也

五藏之脈者謂肝弦心鈞肺浮

腎營脾代知是則可言死生間甚矣三部九

候論曰必先知經脈然後知病脈此之謂也肝病者兩

脇下痛引少腹令人善怒

肝厥陰脈自足而上環陰器抵少腹又上貫肝兩布脇肋

故兩脇下痛引少腹也其氣實虛則目眈眈無所見耳則善怒靈樞經曰肝氣實則怒

無所聞善恐如人將捕之

肝厥陰脈自脇肋循喉嚨入

者從耳後入耳中出走耳前至目銳眦後故病如是也恐謂恐懼魂不安也

取其經厥陰與

少陽

經謂經脈也非其絡病故取其經也取厥陰以治肝氣取少陽以調氣逆也故下文曰

氣逆

則頭痛耳聾不聰煩腫

肝厥陰脈自目系上出額與督脈會於巔故頭痛膽少陽脈支

別者從耳中出走耳前又支別者加頰車又厥陰之脈支別者從目系下頰裏故耳聾不聰煩腫也是以上文

兼取少

取血者

脈中血滿獨異於常乃氣逆之診隨其左右有則刺之

心病者胃

中痛脇支滿脇下痛膺背肩甲間痛兩臂內痛

心少陰脈支別

者循胃出脇入手心主厥陰之脈起於胃中其支別者亦循胃出脇下掖三寸上抵掖下下循脇內行太陰少陰之間入肘中下循臂行兩筋之間又心少陰之脈直行者復從心系却上肺上出掖下下循脇內後廉行太陰心主之後下肘內循臂內後廉抵掌後銳骨之端又小腸太陽之脈自臂臑上繞肩甲交肩上也病如是

虛則胃腹大脇下與腰相引而痛

手心主厥陰之脈從胃中出屬心包下隔

歷絡三焦其支別者循胃出脇心少陰之脈自心系下隔絡小腸故病如是也取其經少陰太

陽舌下血者

少陰之脈從心系上俠咽喉故取舌本下及經脈血也

其變病刺却

中血者

其或嘔變則刺少陰之却血滿者也手少陰之却在掌後脈中去腕半寸當小指之後

脾

病者身重善肌肉痿足不收行善瘕脚下痛

脾象土而主肉故身

重肉痿也痿謂萎無力也脾太陰之脈起於足大指之端循指內側上內踝前廉上膈內腎少陰之脈起於足

小指之下斜趣足心上膈內出臑內廉故病則足不收行善痺脚下痛也故下取少陰新校正云按甲乙經

作善飢肌肉痿千金方云善飢足痿不收行善痺虛則腹滿腸氣交變大論云肌肉痿足痿不收行善痺

鳴飧泄食不化脾太陰脈從股內前廉入腹屬脾絡胃故病如是靈樞經曰中氣不足則腹為

之善滿腸取其經太陰陽明少陰血者少陰腎脈也以為之善鳴

下痛故取之而出肺病者喘欬氣逆肩背痛新校正云血滿者出之肺病者喘欬氣逆肩背痛新校正云

作肩息汗出尻陰股膝新校正云按甲乙經脈經作膝掌髀膕胫足皆背痛

肺藏氣而主喘息在變動為欬故病則喘欬逆氣也痛背為胃中之府肩接近之故肩背痛也肺養皮毛邪

盛則心液外泄故汗出也腎少陰之脈從足下上循臍內出臍內廉上股內從廉貫脊屬腎絡膀胱今肺病則腎脈受邪故尻陰股膝脾臑虛則少氣不能報息耳聾

喘乾

中氣虛少故不足以報人息也肺太陰之絡會於耳

喉嚨俠舌本今肺虛則腎氣不足以上潤取其經太陰於喘故喘乾也是以下文兼取少陰也

足太陽之外厥陰內血者

足太陽之外厥陰內者正謂

陰脈也視左右足脈少陰部分有血滿異於常者即而取之

腎病者腹大脰腫

新校

按甲乙經云脰腫痛

喘欬身重寢汗出憎風

腎少陰脈起於足而上循臍復從橫骨中

俠脊循腹裏上行而入肺故腹大脰腫而喘欬也腎病則骨不能用故身重也腎邪攻肺心氣內微心液為汗

故寢汗出也。脛既腫矣，汗復津泄，陰凝玄府，陽虛則胃燥上焦，內熱外寒，故憎風也。憎風謂深惡之也。

中痛大腹小腹痛清厥意不樂

腎少陰脈從肺出絡心注胃中，然腎氣既虛，心

無所制，心氣熏肺，故痛聚胃中也。足太陽脈從項下行而至足，腎虛則太陽之氣不能盛行於足，故足冷而氣逆也。清謂氣清冷，厥謂氣逆也。以清冷氣逆，故大腹小腹

腹痛志不足，則神躁擾，故不樂也。

新校正云：按甲乙

經大腹小腹**取其經少陰太陽血者**

凡刺之道，虛則補之，實則寫之，不盛

不虛以經取之，是謂得道。經絡有血刺而去之，是謂守法。猶揣形定氣，先去血脈而後乃平，有餘不足焉。三部九候論曰：必先度其形之肥瘦，以調其氣之虛實，實則寫之，虛則補之，必先去其血脈而後調之，此之謂也。

肝色青宜食甘粳米牛肉棗葵皆甘

肝性喜急，故食甘物而取其寬緩也。

新校正云詳肝色青至篇木全

心色赤宜食酸小豆

元起本在第六卷王氏移於此

新校正云按甲乙

犬肉李韭皆酸

心性喜緩故食酸肺

經太素小豆作麻

肺喜氣逆故食苦脾色

色白宜食苦麥羊肉杏薤皆苦

究斯宜食乃調利關機

黃宜食鹹大豆豕肉栗藿皆鹹

胃合故假鹹柔更以利其關關利而胃氣乃行胃行而

脾氣方化故應脾宜味與衆不同也

文曰肝苦急急食甘以緩之心苦緩急食酸以收之脾

苦濕急食苦以燥之肺苦氣上逆急食苦以泄之腎苦

燥急食辛以潤之此肝心脾腎食宜皆與前

文合獨脾食鹹宜不用苦故王氏特注其義

腎色黑宜

食辛黃黍雞肉桃葱皆辛

腎性喜燥故食辛

辛散酸收

甘緩苦堅鹹更

皆自然之氣也然辛味苦味匪唯堅散而已辛亦能潤能散苦亦能燥能泄故

上文曰脾苦濕急食苦以燥之肺苦氣上逆急食苦以泄之則其謂苦之燥泄也又曰腎苦燥急食辛以潤之

則其謂辛之濡潤也

毒藥攻邪

藥謂金玉土石草木菜果蟲魚鳥獸之類皆可以祛邪養正者也然

辟邪安正惟毒乃能以其能然故通謂之毒藥也

新

校正云按本草云下藥為佐使主治病以應地多毒不可久服欲除寒熱邪氣破積聚

五穀為養

謂粳米小豆麥大豆黃黍

也五果為助

謂桃李杏

五畜為益

謂牛羊豕犬雞也

五菜為充

謂葵藿薤蔥韭也

新校正云按五常政大論曰大毒治病十去其六常毒治病十去其七小毒治病十去其

八無毒治病十去其九穀肉果菜食養盡之无使過之傷其正也

氣味合而服之以補

精益氣

氣為陽化味曰陰施氣味合和則補益精氣矣
陰陽應象大論曰陽為氣陰為味味歸形形歸

氣氣歸精精歸化精食氣形食味又曰形不足者溫之
以氣精不足者補之以味由是則補精益氣其義可知

新校正云按孫思邈云精以食氣氣養精以榮色形
以食味味養形以生力精順五氣以為靈也若食氣相

惡則傷精也形受味以成也若食味不調則損形也是
以聖人先用食禁以存性後制藥以防命氣味溫補以

存精形此之謂氣味合此五者有辛酸甘苦鹹各有所
而服之以補精益氣也

利或散或收或緩或急或堅或要四時五藏病隨五味

所宜也

用五味而調五藏配肝以甘心以酸脾以鹹肺
以苦腎以辛者各隨其宜欲緩欲收欲要欲泄

欲散欲堅而為用非以
相生相養而為義也

宣明五氣篇第二十三

新校正云按全元起本在第一卷

五味所入酸入肝

肝合木而

辛入肺

肺合金而

苦入心

心合火而

鹹入腎

腎合水而

甘入脾

脾合土而味甘也

素又云是謂五入

新校正云按至真要大論云夫五味入胃各歸所喜故酸先入肝苦先入

心甘先入脾辛先入肺鹹先入腎

五氣所病心為噫

象火夫上煙隨焰出心不受穢故噫出之

肺為欬

象金堅勁扣之有聲

邪擊於肺肝為語

象木枝條而形支別語宣委曲故出於肝

脾為吞

象土包容物歸於內

故為欬也

象水水下流上生雲霧氣鬱於胃故

翁如皆受腎為欠為噫

欠生焉太陽之氣和利而滿於心

出於鼻則生嚏也

胃為氣逆為噦為恐

胃為水穀之海腎與為關關閉不利則氣逆而上行

也以包容水穀性喜受寒寒穀相薄故為噦也寒盛則噦起熱盛則恐生何者胃熱則腎氣微弱故為恐也下文曰

精氣并於

大腸小腸為泄下焦溢為水

大腸為傳道之府小腸為受盛之府

腎則恐也

受盛之氣既虛傳道之司不禁故為泄利也下焦為分注之所氣窒不寫則溢而為水

膀胱不利為

癰不約為遺溺

膀胱為津液之府水注由之然足三焦脈實約下焦而不通則不得小便足三焦脈

虛不約下焦則遺溺也靈樞經曰三焦者太陽之別也

並太陽之正入絡膀胱約下焦實則閉癰虛則遺溺

為怒

中正決斷無私無偏其性剛決故為怒也六節藏象論曰凡十一藏取決於膽也

是謂五病

五精所并精氣并於心則喜

精氣謂火之精氣也肺虛而心精并之則為喜靈樞

經曰喜樂无極則傷魄魄為并於肺則悲肝虛而肺氣并之則為悲

靈樞經曰悲哀動中則傷魂魄并於肝則憂脾虛而肝氣并之則

為憂靈樞經曰愁憂不解則傷意并於脾則畏一經云

意為脾神明肝木并於脾土也并於脾則畏飢也腎

虛而脾氣并之則為畏畏謂畏懼也靈樞經曰恐并於

懼而不解則傷精精為腎神明脾土并於腎水也并於

腎則恐心虛而腎氣并之則為恐靈樞經曰怵惕思慮

懼也此皆正氣不足而勝氣是謂五并虛而相并者也

并之乃為是矣故下文曰肺惡寒寒則氣留滯肝惡風風則

五藏所惡心惡熱熱則脈潰濁

急脾惡濕濕則肉痿腫腎惡燥燥則精竭涸新校正云按

楊上善云若余則云肺惡燥

今此肺惡寒腎惡燥者燥在於秋寒之始也寒在於冬燥之終也肺在於秋以肺惡寒之甚故言其終腎在於冬腎惡不甚故言其始也 是謂五惡

五藏化液心為汗

泄於皮膚也

肺為涕

潤於鼻竅也

肝為淚

注於目也

脾為涎

溢於唇口也

腎為唾

生於牙齒也

是謂五液

五味所禁辛走氣氣病無多食辛

病謂力少不自勝也

鹹走血血病無

多食鹹苦走骨骨病無多食苦

新校正云按皇甫士安云鹹先走腎此云走血者腎

合三焦血脈雖屬肝心而為中焦之道故鹹入而走血也苦走心此云走骨者水火相濟胃氣通於心也

甘走

肉肉病無多食甘酸走筋筋病無多食酸

是皆為行其氣速故不欲多食

多食則病甚故是謂五禁無令多食

新校正云按太素五病者無多食也禁云肝病禁辛心病

禁鹹脾病禁酸肺病禁苦腎病禁甘名此為五裁楊上善云口嗜而欲食之不可多也必自裁之命曰五裁

五病所發陰病發於骨陽病發於血陰病發於肉

陰骨靜

故陽氣從之血脈陽動故陰氣乘之

陽病發於冬陰病發於夏

夏陽氣盛故陰病發

於夏冬陰氣盛故陽病發於冬各隨其少也

是謂五發

五邪所亂邪入於陽則狂邪入於陰則痺

邪居於陽脈之中則四支

熱盛故為狂邪入於陰脈之內則六經凝泣而不通故為痺

搏陽則為癰疾

邪內搏於陽則

脈流薄疾故為上巔之疾

搏陰則為瘕

瘕不能言

邪內搏於陰則脈不流故令新校正云按難

經云重陽者狂重陰者癡巢元方云邪入於陰則為癡
脈經云陰附陽則狂陽附陰則癡孫思邈云邪入於陽
則為狂邪入於陰則為血痺邪入於陽傳則為癰瘰邪
入於陰傳則為痛瘡全元起云邪已入陰復傳於陽邪
氣盛腑藏受邪使其氣不朝榮氣不復周身邪與正氣
相擊發動為癰疾邪已入陽陽今復傳於陰藏府受邪
故不能言是勝正也諸陽入之陰則靜陰出之陽則怒
家之論不同今具載之陽入之陰則靜陰出之陽則怒
隨所之而為疾也之往也新校正云按全元起云陽
入陰則為靜出則為恐千金方云陽入於陰病靜陰出
於陽是謂五亂

五邪所見春得秋脈夏得冬脈長夏得春脈秋得夏脈
冬得長夏脈名曰陰出之陽病善怒不治是謂五邪皆

同命死不治

新校正云按陰出之陽病善怒已見前條此再言之文義不倫必古文錯簡也

五藏所藏心藏神

精氣之化成也靈樞經曰兩精相薄謂之神

肺藏魄

精氣

佐也靈樞經曰並精而出入者謂之魂

肝藏魂

神氣之輔弼也靈樞經曰隨神而往來者謂之魂

脾藏意

記而不忘者也靈樞經曰心有所憶謂之意

腎藏志

專意而不移者也靈樞經曰意

之所存謂之志腎受五藏六府之精元氣之本生成之根為胃之關是以志能則命通

新校正云按楊上善

云腎有二枚左為腎藏志右為命門藏精也

是謂五藏所藏

五藏所主心主脈

壅遏榮氣應息而動也

肺主皮

包裹筋肉間拒諸邪也肝

主筋

束絡機關隨神而運也

脾主肉

覆臟筋骨通行衛氣也

腎主骨

張筋化髓幹以

立身也 是謂五主

五勞所傷久視傷血

勞於心也

久卧傷氣

勞於肺也

久坐傷肉

勞於

脾也 久立傷骨

勞於腎也

久行傷筋

勞於肝也

是謂五勞所傷

五脈應象肝脈絃

直以長也 應虛而滑端

心脈鉤

如鉤之偃來 盛去衰也

脾

脈代

弱也 應而肺脈毛 輕浮而虛 如毛羽也

腎脈石

沈堅而搏 如石之投也

是謂

五藏之脈

血氣形志篇第二十四

新校正云按全元起本此篇併在前篇王氏分出為別篇

夫人之常數太陽常多血少氣少陽常少血多氣陽明

常多氣多血少陰常少血多氣厥陰常多血少氣太陰

常多氣少血此天之常數

血氣多少此天之常數故用鍼之道常寫其多也

新校

正云按甲乙經十二經水篇云陽明多血多氣刺深六分留十呼太陽多血多氣刺深五分留七呼少陽少血多氣刺深四分留五呼太陰多血少氣刺深三分留四呼少陰少血多氣刺深二分留三呼厥陰多血少氣刺深一分留二呼太陽太陰血氣多少與素問不同又陰陽二十五人形性血氣不同篇與素問同蓋皇甫疑而兩存之也

足太陽與少陰為表裏少陽與厥陰為表裏陽明

與太陰為表裏是為足陰陽也手太陽與少陰為表裏

少陽與心主為表裏陽明與太陰為表裏是為手之陰

陽也今知手足陰陽所苦凡治病必先去其血乃去其

所苦伺之所欲然後寫有餘補不足

先去其血謂見血脈盛滿獨異於常

者乃去之不謂常刺則先去其血也

欲知背俞先度其兩乳間中折之更

以他草度去半已即以兩隅相拄也乃舉以度其背令

其一隅居上齊脊大椎兩隅在下當其下隅者肺之俞

也度謂度量也言以草量其乳間四分去一使斜與橫等折為三隅以上隅齊脊大椎則兩隅下當肺俞也

復下一度心之俞也

謂以上隅齊脊三椎也

復下一度左角肝之

俞也右角脾之俞也復下一度腎之俞也是謂五藏之

俞灸刺之度也

靈樞經及中誥咸云肺俞在三椎之傍心俞在五椎之傍肝俞在九椎之傍脾

俞在十一椎之傍腎俞在十四椎之傍尋此經草量之法則合度之人其初度兩隅之下約當肺俞再度兩隅

之下約當心俞三度兩隅之下約當七椎七椎之傍乃兩俞之位此經云左角肝之俞右角脾之俞殊與中誥

等經不同又四度則兩隅之下約當九椎九椎之傍乃肝俞也經云腎俞未究其源

生於脈治之以灸刺

形謂身形志謂心志細而言之則七神殊守通而論之則約形

志以為中外爾然形樂謂不甚勞役志苦謂結慮深思思不甚勞役則筋骨平調結慮深思則榮衛乖否氣血

不順故病生於脈焉夫盛寫虛補是灸刺之道猶當去其血絡而後調之故上文曰凡治病必先其去其血乃去

其所苦伺之所欲然後寫有餘補不足則其義也

形樂志樂病生於肉治之以

鍼石

志樂謂悅懌忘憂也然筋骨不勞心神悅懌則肉理相比氣道滿填衛氣怫結故病生於肉也夫衛

氣留滿以鍼寫之結聚膿血石而破之形苦志樂病生石謂石鍼則砭石也今亦以針鍼代之

於筋治之以熨引

形苦謂修業就役也然修業以為就役而作一過其用則致勞傷勞用以

謂傷故病生於筋熨引謂導引

形苦志苦病生於咽嗑治之以百藥

修業就役結慮深思憂則肝氣并於脾肝與膽合嗑為之使故病生於嗑也宣明五氣篇曰精氣并於肝則憂

奇病論曰肝者中之將也取決於膽咽為之使也形數新校正云按甲乙經咽嗑作因竭百藥作甘藥

驚恐經絡不通病生於不仁治之以按摩醪藥

驚則脈氣併恐

則神不收脈併神游故經絡不通而為不仁之病矣夫按摩者所以開通閉塞導引陰陽醪藥者所以養正祛

邪調中理氣故方之為用宜以此為藥
謂酒藥也不仁謂不應其用則癰痺矣
是謂五形志

也刺陽明出血氣刺太陽出血惡氣刺少陽出血惡血
刺太陰出血惡血刺少陰出血惡血刺厥陰出血惡氣
也明前三陽三陰血氣多少之刺約也新校正云按
太素云刺陽明出血氣刺太陰出血氣楊上善注云
陽明太陰雖為表裏其血氣俱盛故並寫血氣如是則
太陰與陽明等俱為多血多氣前文太陰一云多血少
氣二云多氣少血莫可的知詳太素血氣並寫之旨則
前寫有餘補不足下不當
隔在草度法五形志後

黃帝內經素問卷七

黃帝內經素問卷七音釋

經脈別論跌仆

赴音

罷極

疲上音

如漚

顛下音

藏氣法時論慧

惠音 焮

七內切

煖

烏開切

眴眴

音荒

臄內

人朱切

宣明五氣篇翕

吸音 嚏

帝音

窒

陟栗切

凝泣

溢音

瘖

讀作音

血氣形志論相拄

知庚

切 銑

鉞音

黃帝內經素問卷七音釋

謹案卷六第七頁前三行宣明五氣篇曰刊本篇
作論據本書篇目改

第九頁前五行故身熱也刊本缺熱字據經文補
第九頁前七行真藏未見刊本未作來按吳崐高
世栻本俱作未又按本注新校正云全元起本
及甲乙經真藏未見作來見則此本原作未見
無疑今據改

第十二頁前三行病熱脉靜按平人氣象論病作

風

第十八頁前八行又注刺腰痛論刊本脫痛字據
本書篇目增

第十九頁後五行靈樞經曰刊本樞訛桐今改

音釋第一頁前三行蠕而究切刊本究訛勻據集
韻改

卷七第一頁後五行故喘出於肺也刊本闕故字
據吳崐本引此注補

第二頁前七行用而過耗是以病生刊本耗訛粗
又缺病字據吳崐本引此注改補

第二頁後一行故濁氣歸心刊本缺濁字據經文
補

第六頁後七行禁溫食飽食按高世拭吳崐本溫
食並作濕食

第九頁後六行喘欬氣逆刊本氣逆訛逆氣據張
志聰及吳崐本改

第十一頁前一行全元起本在第六卷刊本在訛
狂今改

第十一頁前三行而取其宣泄也刊本泄訛油今
改

第十三頁前一行胃為水穀之海刊本胃訛以據
經文改

第十八頁後六行又此刺陽明一節刊本明訛則
據經文改

音釋第一頁前三行宣明五氣篇刊本篇訛論據
本書篇目改

總校官候補中書臣吳紹潔

校對官庶吉士臣戴聯奎

膳錄監生臣呂永安

欽定四庫全書薈要

子部

內經素問卷八

九

詳校官主事臣陳本



黃帝內經素問卷八

唐王冰次注

宋林億等校正


實命全形論

八正神明論

離合真邪論

通評虛實論

太陰陽明論

陽明脈解

實命全形論篇第二十五

新校正云按全元起本在第六卷名刺禁

黃帝問曰天覆地載萬物悉備莫貴於人人以天地之氣

生四時之法成

天以德流地以氣化德氣相合而乃生焉易曰天地絪縕萬物化醇此之謂也則假以溫

涼寒暑生長收藏四

君王衆庶盡欲全形

貴賤雖殊然其實命一矣故好生惡

死者貴賤之常情也

形之疾病莫知其情留淫日深著於骨髓心私

慮之

新校正云按太素慮作患

余欲鍼除其疾病為之奈何

虛邪之中人微先見於色

不知於身有形无形故莫知其情狀也留而不去淫衍日深

邪氣繫虛故著於骨髓帝矜不度故請行其鍼

新校正云

按別本不岐伯對曰夫鹽之味鹹者其氣令器津泄

鹹謂鹽之味苦

浸淫而潤物者也夫鹹為苦而生鹹從水而有水也潤下而

苦泄故能令器中水津液潤滲泄焉凡虛中而受物者皆謂

之器其於體外則謂陰囊其於身中所同則謂膀胱矣
然以病配於五藏則心氣伏於腎中而不去乃為是矣
何者腎象水而味鹹心合火而味苦苦流汗液鹹走胞囊
火為水持故陰囊之外津潤如汗而滲泄不止也凡鹹之
為氣天陰則潤在土則浮絃絕者其音嘶敗陰囊津泄而
在人則囊濕而皮膚剝起脉絃絕者診
當言音嘶啞敗易舊聲爾何者肝氣傷也肝氣傷則木敷
金本缺金本缺則肺氣不全肺主音聲故言音嘶啞
者其葉發敷布也言木氣散布外榮於所部者其病當發
象論曰藏真散於病深者其聲噦噦謂聲濁惡也肺人
肝肝又合木也

此三者是謂壞府

府謂胸也以肺處胸中故也壞謂損壞其府而取病也抱朴子云仲景開胸以

納赤餅由此則胃可啓之而取病毒藥無治短鍼無取此

皆絕皮傷肉血氣爭黑

病內潰於肺中故毒藥無治外不在於經絡故短鍼無取是以

絕皮傷肉乃可攻之以惡血久與肺氣交爭故當血見而色黑也 新校正云詳歧伯之對與黃帝所問不相

當別按太素云夫鹽之味鹹者其氣令器津泄絃絕者其音嘶敗木陳者其葉落病深者其聲嘶人有此三者是謂壞府毒藥無治短鍼無取此皆絕皮傷肉血氣爭異三字與此經不同而注意大異楊上善注云言欲知病徵者須知其候鹽之在於器中津液洩於外見津而知鹽之有鹹也聲嘶知琴瑟之絃將絕葉落者知陳木之已盡舉此三物衰壞之徵以比聲嘶識病深之候人有聲嘶同三譬者是為府壞之候中府壞者病之深也其病既深故鍼藥不能取以其皮肉血氣各不相得故也再詳上善作此等注義方與黃帝上下問答義相貫穿王氏解鹽鹹器津義雖淵微至於注絃絕音嘶木敗葉發殊不與帝問相協考之不若楊義之得多也 帝

曰余念其痛心為之亂惑反甚其病不可更代百姓聞

之以為殘賊為之奈何

殘謂殘害賊謂損劫言恐涉於不仁致慊於黎庶也

歧伯

曰夫人生於地懸命於天天地合氣命之曰人

形假物成故生

於地命惟天賦故懸於天德氣同歸故謂之人也電樞經曰天之在我者德地之在我者氣德流氣薄而生者

也然德者道之用氣者生之母也

人能應四時者天地為之父母

人能應四

時和氣而養生者天地恒畜養之故為父母四氣調神

大論曰夫四時陰陽者萬物之根本也所以聖人春夏

養陽秋冬養陰以從其根故知萬物者謂之天子

知萬物之

與萬物沈浮於生長之門也根本者天地常育養之故謂曰天之子

天有陰陽人有十二節

節謂節氣外所以應

十二月內所以主十二經脈也天有寒暑人有虛實

寒暑有盛衰之紀
虛實表多少之殊

故人以虛實能經天地陰陽之化者不失四時知十二

節之理者聖智不能欺也

經常也言能常應順天地陰陽之道而修養者則合四時

生長之宜能知十二節氣之所遷至者雖聖智亦不欺侮而奉行之也

能存八動之變五

勝更立能達虛實之數者獨出獨入吐吟至微秋毫在

目存謂存心達謂明達吐謂欠吐吟謂吟歎秋毫在目言細必察也八動謂八節之風變動五勝謂五行之

氣相勝立謂當其王時變謂氣至而變易知是三者則應効明著速猶影響皆神之獨出獨入亦非鬼靈能召

遠也

新校正云按揚

帝曰人生有形不離陰陽天地

上善云吐謂露齒出氣

合氣別為九野分為四時月有小大日有短長萬物並

至不可勝量虛實吐吟敢問其方

請說用鍼之意

歧伯曰木得

金而伐火得水而滅土得木而達金得火而缺水得土

而絕萬物盡然不可勝竭

達通也言物類雖不可竭盡而數要之皆如五行之氣而

有勝負之性分爾

故鍼有懸布天下者五黔首其餘食莫知之

也言鍼之道有若高懸示人彰布於天下者五矣而百姓共知餘食咸棄獲之不務於本而崇乎末莫知真

要深在其中所謂五者次如下句新校正云按全元起本餘食作飽食注云人愚不解陰陽不知鍼之妙飽

食終日莫能知其妙益又太素作飲食揚上一日治神

善注云黔首共服用此道然不能得其意

專精其心不妄動亂也所以云手如握虎神無營於衆物蓋欲調治精神專其心也

新校正云按楊上善云

存生之道知此五者以為攝養可得長生也魂神意魄志以為神主故皆名神欲為鍼者先須治神故人無悲哀動中則魂不傷肝得無病秋無難也無怵惕思慮則神不傷心得無病冬無難也無愁憂不解則意不傷脾得無病春無難也無喜樂不極則魄不傷肺得無病夏無難也無盛怒者則志不傷腎得無病季夏無難也是以五過不起於心則神清性明

二曰知養身

知養已身之法亦如

養人之道矣陰陽應象大論曰用鍼者以我知彼用之

不殆此之謂也新校正云按太素身作形楊上善云

飲食男女節之以限風寒暑濕攝之以時有異單豹外潤之害即內養形也貴慈恕以愛人和虛勞而不逮有殊張毅高門之傷即外養形也內外之養周備則不求生而久生無期壽而長壽此則鍼布養形之極也玄元

皇帝曰太上養神其次養形詳王氏之注專治神養身
於用鍼之際其說甚狹不若上善之說為優若必以此
五者解為用鍼之際則下文知毒藥為真毒藥

藥為真王氏亦不專用鍼為解也

四曰制砭石小大

古者以砭石為鍼故不舉九鍼但言

攻邪順宜而用正
砭石爾當制其大小者隨病所宜而用之

新校正云按

全元起云砭石者是古外治之法有三名一鍼石二砭
石三鐃石其實一也古來未能鑄鐵故用石為鍼故名
之鍼石言工必砥礪鋒利制其小大之形與病相當黃

帝造九鍼以代鐃石上古之治者各隨方所
宜東方之人多癰腫聚結故砭石生於東方

五曰知府

藏血氣之診

諸陽為府諸陰為藏故血氣形志篇曰太
陽多血少氣少陽少血多氣陽明多氣多

血少陰少血多氣厥陰多血少氣太陰多氣少血是以
刺陽明出血氣刺太陽出血惡氣刺少陽出血惡血刺

太陰出氣惡血刺少陰出氣惡血刺厥陰出血惡氣也精知多少則補寫萬全

五法俱立各有

所先

事宜則應者先用

今末世之刺也虛者實之滿者泄之此

皆衆工所共知也若夫法天則地隨應而動和之者若

響隨之者若影道無鬼神獨來獨往

隨應而動言其効也若影若響言其

近也夫如影之隨形響之應聲豈復有鬼神之名遣耶蓋由隨應而動之自得爾

帝曰願聞其

道岐伯曰凡刺之真必先治神

專其精神寂無動亂刺之真要其在斯焉

藏已定九候已備後乃存鍼

先定五藏之脈備循九候之診而有太過不及者然

後乃存意於用鍼之法

衆脈不見衆凶弗聞外內相得無以形先

衆脉謂七診之脉衆凶謂五藏相乘外內相得言形氣相得也無以形先言不以已形之衰盛寒溫料病人之形氣使同於已可玩往來乃施於人也

謹熟陰陽無與衆謀此其類也新校正云按此人文出陰陽別論此云標本病傳論者誤也人有虛

實五虛勿近五實勿遠至其當發間不容瞋

人之虛實非其遠近

而有之蓋由血氣一時之盈縮耳然其未發則如雲垂而視之可久至其發也則如電滅而指所不及遲速之殊有如此矣新校正云按甲乙手動若務鍼耀而勻經脈作腫全元起本及太素作胸手動用鍼心如專務於一事也鍼經曰一其形聽其動靜而知邪正此之謂也鍼耀而勻謂鍼形光淨而上下勻靜意視義觀適之變是謂冥冥莫知其形

冥冥言血氣變化之

不可見也故靜意視息以義斟酌觀所調適經脈之變
易爾雖其鍼下用意精微而測量之猶不知變易形容
誰為其象也 新校正云按八正神明論云觀其冥冥
者言形氣榮衛之不形於外而工獨知之以日之寒溫
月之虛盛四時氣之浮沈參伍相合而調之工
常先見之然而不形於外故曰觀於冥冥焉 見其烏

鳥見其稷稷從見其飛不知其誰 烏鳥嘆其氣至稷稷
嗟其已應言所鍼得

失如從空中見飛鳥之往來豈復知其所使之元主耶
是但見經脈盈虛而為信亦不知其誰之所召達爾

伏如橫弩起如發機 血氣之未應鍼則伏如橫弩之安
靜其應鍼也則起如機發之迅疾

帝曰何如而虛何如而實 言血氣既伏如橫弩起如發
機然其虛實豈啻呼而可為

準定耶虛實之 岐伯曰刺虛者須其實刺實者須其虛
形何如而約之

言要以氣至有効而為約
不必守息數而為定法也

經氣已至慎守勿失

無變法而失經

也
深淺在志遠近若一如臨深淵手如握虎神無營於

衆物

言精心專一也所鍼經脈雖深淺不同然其補寫皆如一俞之專意故手如握虎神不外營焉

新

校正云按鍼解篇云刺實須其虛者留鍼陰氣隆至乃去鍼也刺虛須其實者陽氣隆至鍼下熱乃去鍼也經氣已至慎守勿失者勿變更也深淺在志者知病之內外也遠近如一者深淺其候等也如臨深淵者不敢墮也手如握虎者欲其壯也神無營於衆物者靜志觀病人元左右視也

八正神明論篇第二十六

新校正云按全元起本在第二卷又與太素知官能篇大

意同文勢小異

黃帝問曰用鍼之服必有法則焉今何法何則

服事也法象也

則準也約也

岐伯對曰法天則地合以天光

謂合日月星辰之行度

帝

曰願卒聞之岐伯曰凡刺之法必候日月星辰四時八

正之氣氣定乃刺之

候日月者謂候日之寒溫月之空滿也星辰者謂先知二十八宿之

分應水漏刻者也略而言之常以日加之於宿上則知人氣在太陽否日行一舍人氣在三陽與陰分矣細而

言之從房至畢十四宿水下五十刻半日之度也從昴至心亦十四宿水下五十刻終日之度也是故從房至

畢者為陽從昴至心者為陰陽主晝陰主夜也凡日行

一舍故水下三刻與七分刻之四也靈樞經曰水下一

刻人氣在太陽水下二刻人氣在少陽水下三刻人氣

在陽明水下四刻人氣在陰分水水下不止氣行亦爾又

曰日行一舍人氣行於身一周與十分身之八日行二舍人氣行於身三周與十分身之六日行三舍人氣行於身五周與十分身之四日行四舍人氣行於身七周與十分身之二日行五舍人氣行於身九周然日行二十八舍人氣亦行於身五十周與十分身之四由是故必候日月星辰也四時八正之氣者謂四時正氣八節之風來朝於太一者也謹候其氣之所在而刺之氣定乃刺之者謂八節之風氣靜定乃可以刺經脈調虛實也故歷忌云八節前後各五日不可刺灸凶是則謂氣未定故不可灸刺也

新校正云按八節風朝太一具

具

天元玉冊中

是故天溫日明則人血淖液而衛氣浮故血易

寫氣易行天寒日陰則人血凝泣而衛氣沈

泣謂如水
中居雪也

月始生則血氣始精衛氣始行月郭滿則血氣實肌肉

堅月郭空則肌肉減經絡虛衛氣去形獨居是以因天

時而調血氣也是以天寒無刺

血耗泣而衛氣沈也

天溫無凝

血渾

液而氣易行也

月生無寫月滿無補月郭空無治是謂得時而

調之

謂得天時也

因天之序盛虛之時移光定位正立而待

之

候日遷移定氣所在南面正立待氣至而調之也

故曰月生而寫是謂藏虛

血氣弱也元起本藏作減藏當作減

新校正云按全

月滿而補血氣揚溢絡有

留血命曰重實

絡一為經誤血氣盛也留一為流非也

月郭空而治是謂

亂經陰陽相錯真邪不別沈以留止外虛內亂淫邪乃

起

氣失紀故
淫邪起

帝曰星辰八正何候歧伯曰星辰者所以

制日月之行也

制謂制度定星辰則可知日月行之制度矣畧而言之周天二十八宿宿三十六

分人氣行一周天凡一千八分周身十六丈二尺以應二十八宿合漏水百刻都行八百一十丈以分晝夜也故人十息氣行六尺日行二分二百七十息氣行十六丈二尺一周於身水下二刻日行二十五分五百四十息氣行再周於身水下四刻日行四十分二千七百息氣行十周於身水下二十刻日行五宿二十分一萬三千五百息氣行五十周於身水下百刻日行二十八宿也細而言之則常以一十周加之一分又十分分之六乃可分盡矣是故星辰所以制日月之行度也
新校正云詳周天二十八宿至日行二十八宿也本靈樞文今具甲乙
八正者所以候八風之虛邪以時至者也

謂八正

節之正氣也八風者東方嬰兒風南方大弱風西方剛風北方大剛風東北方凶風東南方弱風西南方謀風西北方折風也虛邪謂乘人之虛而為病者也以時至謂天應太乙移居以八節之前後風朝中宮而至者也

新校正云詳太乙移居朝中宮義具天元玉冊

四時者所以分春夏秋冬夏之

氣所在以時調之也八正之虛邪而避之勿犯也

四時之氣

所在者謂春氣在經脈夏氣在孫絡秋氣在皮膚冬氣在骨髓也然觸胃虛邪動傷真氣避而勿犯乃不病焉

靈樞經曰聖人避邪如避矢石蓋以其能傷真氣也

以身之虛而逢天之虛兩虛

相感其氣至骨入則傷五藏

以虛感虛同氣而相應也

工候救之弗

能傷也

候知而止故弗能傷之救止也

故曰天忌不可不知也

人忌於天故云

天忌犯之則病故不可不知也

帝曰善其法星辰者余聞之矣願聞法

往古者歧伯曰法往古者先知鍼經也驗於來今者先

知日之寒溫月之虛盛以候氣之浮沈而調之於身觀

其立有驗也

候氣不差故立有驗

觀其冥冥者言形氣榮衛之不

形於外而工獨知之

明前篇靜意視義觀適之變是謂冥冥莫如其形也雖形氣榮衛不

形見於外而工以心神明悟獨得知其衰盛焉善以日惡悉可明之

新校正云按前篇乃寶命全形論以日

之寒溫月之虛盛四時氣之浮沈參伍相合而調之工

常先見之然而不形於外故曰觀於冥冥焉

工所以常先見者何

我以守法而神通明也

通於無窮者可以傳於後世也是故工之

所以異也

法著故可傳後世後世不絕則應用通於無窮矣以獨見知故工所以異於人也

然

而不形見於外故俱不能見也

工異於粗者以粗俱不能見也

視之無

形嘗之無味故謂冥冥若神髣髴

言形氣縈衛不形於外以不可見故視無

形嘗无味伏如橫弩起如發機窈窈冥冥莫知元主謂如神運髣髴焉若如也

虛邪者八正之

虛邪氣也

八正之虛邪謂八節之虛邪也以從虛之鄉來襲虛而入為病故謂之八正虛邪正

邪者身形若用力汗出腠理開逢虛風其中人也微故

莫知其情莫見其形

正邪者不從虛之鄉來也以中人微故莫知其情意莫見其形狀

上工救其萌芽必先見三部九候之氣盡調不敗而救

之故曰上工下工救其已成救其已敗救其已成者言

不知三部九候之相失因病而敗之也

義備難合真邪論中

知其

所在者知診三部九候之病脈處而治之故曰守其門

戶焉莫知其情而見邪形也

三部九候為候邪之門戶也守門戶故見邪形以中

人微故莫知其情狀也

帝曰余聞補寫未得其意歧伯曰寫必用

方方者以氣方盛也以月方滿也以日方溫也以身方

定也以息方吸而內鍼乃復候其方吸而轉鍼乃復候

其方呼而徐引鍼故曰寫必用方其氣而行焉

方猶正也寫邪

氣出則真補必用員員者行也行者移也

行謂宣不行之氣令必宣

行移謂移未復刺必中其榮復以吸排鍼也

鍼入至血謂之中榮

故員與方非鍼也

所言方員者非謂鍼形正謂行移之義也

故養神者必知

形之肥瘦榮衛血氣之盛衰血氣者人之神不可不謹

養

神安則壽延神去則形弊故不可不謹養也

帝曰妙乎哉論也合人形於

陰陽四時虛實之應冥冥之期其非夫子孰能通之然

夫子數言形與神何謂形何謂神願卒聞之

神謂神智通悟形謂

形診可觀
岐伯曰請言形形乎形目冥冥問其所病

新校正云按甲

乙經作捫其所痛義亦通

索之於經慧然在前按之不得不知其情

故曰形

外隱其無形故目冥冥而不見內藏其有象故以診而可索於經也慧然在前按之不得言三

部九候之中卒然逢之不可為之期準也離合真邪論曰在陰與陽不可為度從而察之三部九候卒然逢之早過其路此其義也帝曰何謂神岐伯曰請言神神乎神耳不聞

目明心開而志先慧然獨悟口弗能言俱視獨見適若

昏昭然獨明若風吹雲故曰神

耳不聞言神用之微密也目明心開而志先者

言心之通如昏昧開卷目之見如氛翳闢明神雖內融志已先往矣慧然謂清爽也悟猶了達也慧然獨悟口

弗能言者謂心中清爽而了達口不能宣吐以寫心也
俱視獨見適若昏者歎見之異速也言與衆俱視我忽
獨見適猶若昏昧爾既獨見了心眼昭然獨能明察若
雲隨風卷日麗天明至哉神乎妙用如是不可得而言
也

三部九候為之原九鍼之論不必存也

以三部九候經脈為之本

原則可通神悟之妙用若以九鍼之論僉議則其旨惟
博其知彌遠矣故曰三部九候為之原九鍼之論不必
存

離合真邪論篇第二十七

新校正云按全元起本在第十一卷名經合第二卷重出

論真邪

黃帝問曰余聞九鍼九篇夫子乃因而九之九九八十

一篇余盡通其意矣經言氣之盛衰左右傾移以上調下以左調右有餘不足補寫於榮俞余知之矣此皆榮衛之傾移虛實之所生非邪氣從外入於經也余願聞邪氣之在經也其病人何如取之奈何歧伯對曰夫聖人之起度數必應於天地故天有宿度地有經水人有

經脈

宿謂二十八宿度謂天之三百六十五度也經水者謂海水漬水渭水湖水沔水汝水江水淮水漯

水河水漳水濟水也以其內合經脈故名之經水焉經脈者謂手足三陰三陽之脈所以言者以內外參合人

氣應通故言之也

新校正云按甲乙經云足陽明外

合於海水內屬於胃足太陽外合於漬水內屬膀胱足

少陽外合於渭水內屬於膽足太陰外合於湖水內屬於脾足厥陰外合於沔水內屬於肝足少陰外合於汝水內屬於腎手陽明外合於江水內屬於大腸手太陽外合於淮水內屬於小腸手少陽外合於漯水內屬於三焦手太陰外合於河水內屬於肺手心主外合於漳水內屬於心包手少陰外合於濟水內屬於心天

地溫和則經水安靜天寒地凍則經水凝泣天暑地熱則經水沸溢卒風暴起則經水波涌而隴起

人經脈亦應之夫

邪之入於脈也寒則血凝泣暑則氣淖澤虛邪因而入客亦如經水之得風也經之動脈其至也亦時隴起其

行於脈中循循然

循循然順動貌言隨順經脈之動息因循呼吸之往來但形狀或異耳循

循一為
輪軸

其至寸口中手也時大時小大則邪至小則平

其行無常處

大謂大常平之形診小者非細小之謂也以其比大則謂之小若無大以比則自是

平常之經氣滿然邪氣者因其陰氣則入陰經因其陽氣則入陽脉故其行無常處也

在陰與陽

不可為度

以隨經脉之流運也

從而察之三部九候卒然逢之早

過其路

逢謂逢過過謂過絕三部之中九候之位卒然逢過當按而止之即而寫之選路既絕則大邪

之氣無能為也所謂寫者如下文云

吸則內鍼無令氣忤靜以久留無令

邪布吸則轉鍼以得氣為故候呼引鍼呼盡乃去大氣

皆出故命曰寫

按經之旨先補真氣乃寫其邪也何以言之下文補法呼盡內鍼靜以久留此

段寫法吸則內鍼又靜以久留然呼盡則次其吸吸至則不兼呼內鍼之候既同久留之理復一則先補之義昭然可知鍼經云寫曰迎之迎之意必持而內之故而出之排陽出鍼疾氣得泄補曰隨之隨之意若忘之若行若悔如蚊虻止如留如還則補之必久留也所以先補者真氣不足鍼乃寫之則經脈不滿邪氣無所排遣故先補真氣今足後乃寫出其邪矣引謂引出去謂離穴候呼而引至其門呼盡而乃離穴戶則經氣審以平定邪氣無所為留故大邪之氣隨鍼而出也呼謂氣出吸謂氣入轉謂轉動也大氣謂大邪之氣錯亂陰陽者也帝曰不足者補之奈何歧伯曰必先捫而循之切而

散之推而按之彈而怒之抓而下之通而取之外引其

門以閉其神

捫循謂手摸切謂指按也捫而循之欲氣舒緩切而散之使經脈宣散推而按之排

感其皮也彈而怒之使脈氣脹滿也孤而下之置鍼準也通而取之以常法也外引其門以閉其神則推而按之者也謂感按穴外之皮令當應鍼之處鍼已放去則不破之皮蓋其所刺之門門不開則神氣內守故云以閉其神也調經論曰外引其皮令當其門戶又曰推闔其門令神氣存此之謂也新校正云按王引調經論文今詳非本論之文傍見甲乙經呼盡內鍼靜以久留鍼道篇又曰已下乃當篇之文也

以氣至為故

呼盡內鍼亦同吸也言必以氣至而為去鍼之故不以息之多數而便去鍼也鍼經

曰刺之而氣不至無問其數刺之氣至去之勿復鍼此之謂也無問息數以為遲速之約要當以氣至而鍼去不當以鍼下氣未至如待所貴不知日暮喻人事於候而鍼出乃更為也

其氣以至適而自護

通調適也護慎守也言氣已平調則當慎守勿令改變使疾更生也

鍼經曰經氣已至慎守勿失此其義也所謂慎守當如下說新校正云詳王引鍼經之言乃素問實命全形

論文兼見於鍼解論耳

候吸引鍼氣不得出各在其處推闔其門

令神氣存大氣留止故命曰補

正言也外門已閉神氣復存候吸引鍼大氣不

泄補之為義斷可知焉然此大氣謂大經之氣流行榮衛者

帝曰候氣奈何

謂候可取之氣

岐伯曰夫邪去絡入於經也舍於血脈之中

繆刺論曰邪之

客於形也必先舍於皮毛留而不去入舍於孫脈留而不去入舍於絡脈留而不去入舍於經脈故云去絡入

於經也

其寒溫未相得如涌波之起也時來時去故不常

在

以周遊於十六丈二尺經脈之分故不常在所候之處

故曰方其來也必按而

止之止而取之無逢其衝而寫之

衝謂應水刻數之平氣也靈樞經曰水下

一刻人氣在太陽水下二刻人氣在少陽水下三刻人氣在陽明水下四刻人氣在陰分然氣在太陽則太陽獨盛氣在少陽則少陽獨盛夫見獨盛者便謂邪來以鍼寫之則反傷真氣故下文曰

真氣者經

氣也經氣太虛故曰其來不可逢此之謂也

經氣應刻乃謂為邪

工若寫之則深誤也故曰其來不可逢

故曰候邪不審大氣已過寫之則

真氣脫脫則不復邪氣復至而病益蓄

不悟其邪反誅無罪則真氣泄

脫邪氣復侵經氣大虛故病彌蓄積

故曰其往不可追此之謂也

已隨經脈之流

去不可復追召使還

不可挂以髮者待邪之至時而發鍼寫矣

輕言

微而有尚且知之況

若先若後者血氣已盡其病不可

下言不可取而取失時也

新校正云按全元起本作血氣已盡盡字當作虛字此字之誤也

故曰

知其可取如發機不知其取如扣椎故曰知機道者不

可挂以髮不知機者扣之不發此之謂也

機者動之微言貴知其微

也帝曰補寫奈何岐伯曰此攻邪也疾出以去盛血而

復其真氣

視有血者乃取之

此邪新客溶溶未有定處也推之

則前引之則止逆而刺之溫血也

言邪之新客未有定居推鍼補之則隨補

而前逆若引鍼致之則隨引而留止也若不出盛血而反溫之則邪氣內勝反增其害故下文曰

刺出

其血其病立已帝曰善然真邪以合波隴不起候之奈

何歧伯曰審捫循三部九候之盛虛而調之

盛者寫之
虛者補之

不盛不虛以經
取之則其法也

察其左右上下相失及相減者審其病

藏以期之

氣之在陰則候其氣之在於陰分而刺之氣
之在陽則候其氣之在於陽分而刺之是謂

逢時靈樞經曰水下一刻人氣在太陽水下四刻人氣
在陰分也精刻不已氣亦隨在周而復始故審其病藏
以期其氣不知三部者陰陽不別天地不分地以候地
而刺之

天以候天人以候人調之中府以定三部故曰刺不知

三部九候病脈之處雖有大過且至工不能禁也

禁謂
禁止

也然候邪之處尚未能知
豈復能禁止其邪氣耶

誅罰無過命曰大惑反亂大

經真不可復用實為虛以邪為真用鍼無義反為氣賊

奪人正氣以從為逆榮衛散亂真氣已失邪獨內著絕

人長命予人天殃不知三部九候故不能久長

識非精
辨學未

該明且亂大經又為氣
賊動為殘害安可久乎

因不知合之四時五行因加相

勝釋邪攻正絕人長命

非惟昧三部九候之為弊若不
知四時五行之氣序亦足以殞

絕其生
靈也

邪之新客來也未
有定處推之則前引之則止

逢而寫之其病立已

再言之者
其法必然

通評虛實論篇第二十八

新校正云按全元起本在第四卷

黃帝問曰何謂虛實岐伯對曰邪氣盛則實精氣奪則

虛

奪謂精氣減少如奪去也

帝曰虛實何如

言五藏虛實之大體也

岐伯曰氣

虛者肺虛也氣逆者足寒也非其時則生當其時則死

非時謂年直之前後也當時謂正直之年也

餘藏皆如此

五藏同

帝曰何謂重

實岐伯曰所謂重實者言大熱病氣熱脈滿是謂重實

帝曰經絡俱實何如何以治之岐伯曰經絡皆實是寸

脈急而尺緩也皆當治之故曰滑則從瀉則逆也

脈急謂脈

也。夫虛實者皆從其物類始故五藏骨肉滑利可以長

久也

物之生則滑利物之死則枯濇故濇為逆滑為從從謂順也

帝曰絡氣不足經

氣有餘何如岐伯曰絡氣不足經氣有餘者脈口熱而

尺寒也秋冬為逆春夏為從治主病者

春夏陽氣高故脈口熱尺中寒

為順也十二經十五絡各隨左右而有太過不足工當尋其至應以施鍼艾故云治主其病者也

帝曰

經虛絡滿何如岐伯曰經虛絡滿者尺熱滿脈口寒濇

也此春夏死秋冬生也

秋冬陽氣下故尺中熱脈口寒為順也

帝曰治此

者奈何岐伯曰絡滿經虛灸陰刺陽經滿絡虛刺陰灸

陽

以陰分主絡陽分主經故爾

帝曰何謂重虛

此反問前重實也

歧伯曰脈

氣上虛尺虛是謂重虛

言尺寸脈俱虛新校正云按甲乙經作脈虛氣虛尺虛是謂

重虛此少一虛字多一上字王注言尺寸脈俱虛則不兼氣虛也詳前熱病氣熱脈滿為重實此脈虛氣虛尺虛為重虛是脈與氣俱實為重實俱虛為重虛不但尺寸俱虛為重虛也帝曰何以治之歧

伯曰所謂氣虛者言無常也尺虛者行步怛然

寸虛則脈動無

常尺虛則行步怛然不足

新校正云按揚上善云

氣虛者腹中氣不定也王謂寸虛則脈動無常非也脈

虛者不象陰也

不象太陰之候也何以言之氣口者脈之要會手太陰之動也

如此者

滑則生濇則死也帝曰寒氣暴上脈滿而實何如

言氣熱脈

滿已謂重實滑則從濇則逆今氣寒脈滿亦可謂重實乎其於滑濇生死逆從何如岐伯曰實而

滑則生實而逆則死

逆謂濇也

新校正云詳王氏以古文簡略辭多互文

上言滑而下言逆舉滑則從可知言逆則濇可見非謂逆為濇也

帝曰脈實滿手足寒

頭熱何如岐伯曰春秋則生冬夏則死

大畧言之夏手足寒非病也是

夏行冬令夏得則冬死冬脈實滿頭熱亦非病也是冬行夏令冬得則夏亡反冬夏以言之則皆不死春秋得之是病故生死皆在時之孟月也

脈浮而濇濇而身有熱者死

新校正云按甲

乙經移續於此舊在後帝曰形度骨度脈度筋度何以知其度也下對問義不相類王氏頗知其錯簡而不知皇甫士安嘗移附此也

帝曰其形盡滿何如岐伯曰其

形盡滿者脈急大堅尺濇而不應也

形盡滿謂四形藏盡滿也 新校正

云按甲乙經太素濇作滿

如是者故從則生逆則死帝曰何謂從則

生逆則死歧伯曰所謂從者手足溫也所謂逆者手足

寒也帝曰乳子而病熱脈懸小者何如

懸謂如懸物之動也

歧伯

曰手足溫則生寒則死

新校正云按太素无手字揚上善云足溫氣下故生足寒氣不

下者逆而致死

帝曰乳子中風熱喘鳴肩息者脈何如歧伯曰

喘鳴肩息者脈實大也緩則生急則死

緩謂如縱緩急謂如弦張之急

非往來之緩急也正理傷寒論曰緩則中風故乳子中風脈緩則生急則死

帝曰腸澼便血

何如歧伯曰身熱則死寒則生

熱為血敗故死寒為榮氣在故生也

帝曰

腸澼下白沫何如歧伯曰脈沈則生脈浮則死

陰病而見陽脈

與證相反故死

帝曰腸澼下膿血何如歧伯曰脈懸絕則死滑

大則生帝曰腸澼之屬身不熱脈不懸絕何如歧伯曰

滑大者曰生懸濇者曰死以藏期之

肝見庚卒死心見壬癸死肺見丙丁

死腎見戊己死脾見甲乙死是謂以藏期之

帝曰癰疾何如歧伯曰脈搏大

滑久自己脈小堅急死不治

脈小堅急為陰陽病而見陰脈故死不治 新校正

云按巢元方云脈沈小急實死不治小牢急亦不可治

帝曰癰疾之脈虛實何如

歧伯曰虛則可治實則死

以反證故

帝曰消癰虛實何如歧

伯曰脈實大病久可治脈懸小堅病久不可治

久病血氣衰脈

不當實大故不可治

新校正云詳經言實大病久可

治注意以為不可治

按甲乙經太素全元起本並云可

治又按巢元方云脈數大者生細小

浮者死又云沈小者生實牢大者死

帝曰形度骨度脈

度筋度何以知其度也

形度具三備經筋度脈度骨度並具在靈樞經中此問亦合在

彼經篇首錯簡也一經此問為逆從論首非也

歧伯曰春亟治經絡夏亟治經

俞秋亟治六府冬則閉塞閉塞者用藥而少鍼石也

亟猶

急也閉塞謂氣之門戶閉塞也

所謂少鍼石者非癰疽之謂也

冬月雖氣門閉

塞然癰疽氣烈內作大膿不急寫之則爛筋腐骨故雖冬月亦宜鍼石以開除之

癰疽不得頃

時回

所以癰疽之病冬月猶得用鍼石者何此病頃時回轉之間過而不寫則內爛筋骨穿通藏府

不知所按之不應手乍來乍已刺手太陰傍三脢與纓

脈各二

但覺似有癰疽之候不的知發在何處故按之不應手也乍來乍已言不定痛於一處也手太

陰傍足陽明脈謂胃部氣戶等六穴之分也纓脈亦足陽明脈也近纓之脈故曰纓脈纓謂冠帶也以有左右

故云各二掖癰大熱刺足少陽五刺而熱不止刺手心主三

刺手太陰經絡者大骨之會各三

大骨會肩也謂肩貞穴在肩髃後骨解間

陷者暴癰筋綆隨分而痛魄汗不盡胞氣不足治在經中

俞

癰若暴發隨脈所過筋起緩急肉分中痛汗液滲泄如不盡無胞氣不足者悉可以本經脈穴俞補寫之

散

新校正云按此二條舊在篇中今移使相從

腹暴滿按之不下取手太陽

經絡者胃之募也

太陽為手太陽此手太陽太陽經絡之所生故取中腕穴即胃之募也中

腧曰中腕胃募也居蔽骨與臍中

手太陽少陽足陽明脈所生故云經絡者胃募也

取太陽經絡血者則已無胃之募也等字又楊上善注云足太陽其說各不同未知孰是

少陰俞去

脊推三寸傍五用員利鍼

謂取足少陰俞外去脊推三寸兩傍穴各五痛也少陰俞

謂第十四椎下兩傍腎之俞也

新校正云按甲乙經云用員利鍼刺已如食頃久立已必視其經之過於陽

者數刺之霍亂刺俞傍五

霍亂者取少陰俞傍志室穴

新

傍五
取之
足陽明及上傍三

足陽明言胃俞也取胃俞兼取少陰俞外兩傍向上第三穴則

胃倉
穴也
刺癰驚脈五

謂陽陵泉在膝上外陷者中也

鍼手太陰各五刺經

太陽五刺手少陰經絡傍者一足陽明一上踝五寸刺

三鍼

經太陽謂足太陽也手太陰五謂魚際穴在手大指本節後內側散脈經太陽五謂承山穴在足腓

腸下分肉間陷者中也手少陰經絡傍者謂支正穴在腕後同身寸之五寸骨上廉肉分間手太陽絡別走少陰者足陽明一者謂解谿穴在足腕上陷者中也上踝五寸謂足少陽絡光明穴按內經明堂中腧圖經悉主霍亂各具明文

新校正云按別本注云悉不主霍亂未詳所謂又按甲乙經太素刺癰驚脈五至此為刺驚

刺者王注為刺霍亂者王注非也

凡治消痺仆擊偏枯痿厥氣滿發逆肥

貴人則高粱之疾也。隔塞閉絕，上下不通，則暴憂之病也。暴厥而聾，偏塞閉不通，內氣暴薄也。不從內外中風之病，故瘦留著也。蹠跛寒風濕之病也。

消謂內消痺謂伏熱厥謂氣逆

高膏也。梁，梁字也。蹠，謂足也。夫肥者，令人熱；中甘者，令人中滿。故熱氣內薄，發為消渴，偏枯氣滿逆也。逆者，謂違背常候與平人異也。然愁憂者，氣閉塞而不行，故隔塞否閉，氣脈斷絕而上下不通也。氣固於內，則大小便道偏不得通泄也。何者？藏府氣不化，禁固而不宣散，故爾也。外風中人，伏藏不去，則陽氣內受，為熱，外燐肌肉消燂，故留薄肉分消瘦而皮膚著於筋骨也。濕勝於足，則筋不利，寒勝於足，則掣急。風濕寒勝，則衛氣結聚，衛氣結聚，則肉痛，故足跛而不可履也。

黃帝曰：黃疸暴痛癰疾，厥狂久逆之

所生也五藏不平六府閉塞之所生也頭痛耳鳴九竅

不利腸胃之所生也

足之三陽從頭走足然久厥逆而不下行則氣拂積於於上焦故為

黃疸暴痛癰狂氣逆矣食飲失宜吐利過節故六府閉塞而令五藏之氣不和平也腸胃否塞則氣不順序氣不順序則上下中外互相勝負故頭痛耳鳴九竅不利也

太陰陽明論篇第二十九

新校正云按全元起本在第四卷

黃帝問曰太陰陽明為表裏脾胃脈也生病而異者何

也

脾胃藏府皆合於土病生而異故問不同

岐伯對曰陰陽異位更虛更實

更逆更從或從內或從外所從不同故病異名也

脾胃藏為陰

胃府為陽陽脈下行陰脈上行陽脈從外陰脈從內故言所從不同病異名也

新校正云按楊上善云春夏

陽明為實太陰為虛秋冬太陰為實陽明為虛即更實更虛也春夏太陰為逆陽明為從秋冬陽明為逆太陰

為從即更逆更從也帝曰願聞其異狀也岐伯曰陽者天氣也主

外陰者地氣也主內

是所謂陰陽異位也

故陽道實陰道虛

是所謂更

實更虛也故犯賊風虛邪者陽受之食飲不節起居不時者

陰受之

是所謂或從內或從外也

陽受之則入六府陰受之則入五

藏入六府則身熱不時卧上為喘呼入五藏則臍滿閉

塞下為飧泄久為腸澼

是所謂所從不同病異名也

故喉主天氣咽

主地氣故陽受風氣陰受濕氣

同氣相求爾

故陰氣從足上

行至頭而下行循臂至指端陽氣從手上行至頭而下

行至足

是所謂更逆更從也靈樞經曰手之三陰從藏走手手之三陽從手走頭足之三陽從頭走足

足之三陰從足走腹所行而異故更逆更從也

故曰陽病者上行極而下陰病

者下行極而上

此言其大凡爾然足少陰脾下行則不同諸陰之氣也

故傷於風

者上先受之傷於濕者下先受之

陽氣炎上故受風陰氣潤下故受濕蓋同

氣相合爾

帝曰脾病而四支不用何也歧伯曰四支皆稟氣

於胃而不得至經

新校正云按太素至經作徑至揚上善云胃以水穀資四支不能徑至四

支要因於脾得水穀
津液營衛於四支

必因於脾乃得稟也

脾氣布化水穀津液四支

乃得以

今脾病不能為胃行其津液四支不得稟水穀

氣氣日以衰脈道不利筋骨肌肉皆無氣以生故不用

焉帝曰脾不主時何也

肝主春心主夏脾主秋腎主冬四藏皆有正應而脾無正主也

岐伯曰脾者土也治中央常以四時長四藏各十八日

寄治不得獨主於時也脾藏者常著胃土之精也土者

生萬物而法天地故上下至頭足不得主時也

治主也著謂常

約著於胃也土氣於四時之中各於季終寄王十八日則五行之氣各王七十二日以終一歲之日矣外主四

李則在人內應於手足也帝曰脾與胃以膜相連耳

新校正云按太素作以募相逆

楊上善云脾陰胃陽脾內胃外其位各異故相逆也

而能為之行其津液何也歧

伯曰足太陰者三陰也其脈貫胃屬脾絡嗌故太陰為

之行氣於三陰陽明者表也

胃是脾之表也

五藏六府之海也

亦為之行氣於三陽藏府各因其經而受氣於陽明故

為胃行其津液四支不得稟水穀氣日以益衰陰道不

利筋骨肌肉無氣以生故不用焉

又復明脾主四支之義也

陽明脈解篇第三十

新校正云按金元起本在第三卷

黃帝問曰足陽明之脈病惡人與火聞木音則惕然而

驚鐘鼓不為動聞木音而驚何也願聞其故

前篇言入六府則身

熱不時卧上為喘呼然陽明者胃脈也今病不如前篇之旨而反聞木音而驚故問其異也

岐伯對

曰陽明者胃脈也胃者土也故聞木音而驚者土惡木

也

陰陽書曰木剋土故土惡木也

帝曰善其惡火何也岐伯曰陽明主

肉其脈

新校正云按甲乙經脈作肌

血氣盛邪客之則熱熱甚則惡

火帝曰其惡人何也岐伯曰陽明厥則喘而惋惋則惡

人

惋熱內鬱故惡人耳新校正云按脈解云欲獨閉戶牖而處何也陰陽相搏陽盡陰盛故獨閉戶牖而

處帝曰或喘而死者或喘而生者何也歧伯曰厥逆連

藏則死連經則生

經謂經脈藏謂五神藏所以連藏則死者神去故也

帝曰善病

甚則棄衣而走登高而歌或至不食數日踰垣上屋所

上之處皆非其素所能也病反能者何也

素本也踰垣謂藉牆也怪

其稍異於常

歧伯曰四支者諸陽之本也陽盛則四支實實

則能登高也

陽受氣於四支故四支為諸陽之本也新校正云按脈解云陰陽爭而外并於陽

帝曰其棄衣而走者何也

棄不用也

歧伯曰熱盛於身故棄

衣欲走也帝曰其妄言罵詈不避親疎而歌者何也歧

伯曰陽盛則使人妄言罵詈不避親疎而不欲食不欲

食故妄走也

足陽明胃脈下膈屬胃絡脾足太陰脾脈入腹屬脾絡胃上膈俠咽連舌本散舌下

故病如是

黃帝內經素問卷八

黃帝內經素問卷八音釋

寶命全形論

所嫁切

呿吟

上丘切

黔

鉗音

棄履

滅音

容瞑

舜音

八正神明論

髣髴

上音微

離合真邪論

徐倫切

蚊虻

武庚切

捫

側交切

溶

容音

通平虛實論

去王切

疔

榮美切

蹠

之石切

太陰陽明論

蘇則切

陰陽脉解

烏貫切

踰

音于

黃帝內經素問卷八音釋

黃帝內經素問卷九

唐王冰次注

宋林億等校正

熱論

刺熱論

評熱病論

逆調論

熱論篇第三十一

新校正云按全元起本在第五卷

黃帝問曰今夫熱病者皆傷寒之類也或愈或死其死皆

以六七日之間其愈皆以十日以上者何也不知其解願聞

其故

寒者冬氣也冬時嚴寒萬類深藏君子固密不傷於寒觸胃之者乃名傷寒其傷於四時之氣皆能為病以傷

寒為毒者最乘殺厲之氣中而即病名曰傷寒不即病者寒毒藏於肌膚至夏至前變為溫病夏至後變為熱病然其餘起皆為傷寒致之故曰熱病者皆傷寒之類也 新校正云按傷寒論云至春變為溫病至夏變為暑病與王注異王注本素問為說傷寒論本陰陽大論為說故此不同 岐伯對曰巨陽者諸陽之屬也

巨

也太陽之氣經絡氣血榮衛於身故諸陽氣皆所宗屬

其脈連於風府

風府穴名也在項上入髮際同

身寸之一寸宛宛中是

故為諸陽主氣也

足太陰脈浮氣之在頭中者凡五行故統主諸陽之氣

人之傷於寒也則為病熱熱雖甚不死

寒毒薄於肌膚陽氣不得散發而內怫結

故傷寒者其兩感於寒而病者必不免於死藏府相應反為病熱

謂之帝曰願聞其狀謂非兩感者之形證岐伯曰傷寒一日巨陽受

之三陽之氣太陽脉浮脉浮者外在故頭項痛腰脊强上

云其脉連於風府畧言也細而言之者足太陽脉從顛入

絡腦還出別下項循肩膊内俠脊抵腰中故頭項痛腰脊

强新校正云按甲乙經及二日陽明受之以陽感熱同

太陽入陽明主肉其脉俠鼻絡於目故身熱目疼而鼻

乾不得卧也身熱者以肉受邪胃中熱煩故三日少陽

受之少陽主膽新校正云按全元起本膽作骨元起注云少陽者肝之表肝候筋筋會於骨是

少陽之氣所榮故言主於其脈循脇絡於耳故胸脇痛
骨甲乙經太素等並作骨

而耳聾三陽經絡皆受其病而未入於藏者故可汗而

已以病在表故可汗也 新校正云按全元起云藏作府元起注云傷寒之病始入於皮膚之腠理漸勝於

諸陽而未入府故須汗發其寒熱而散之太素亦作府四日太陰受之陽極而陰受也太

陰脈布胃中絡於噎故腹滿而噎乾五日少陰受之少

陰脈貫腎絡於肺繫舌本故口燥舌乾而渴六日厥陰

受之厥陰脈循陰器而絡於肝故煩滿而囊縮三陰三

陽五藏六府皆受病榮衛不行五藏不通則死矣死猶斲也

言精氣皆斷也是故其死
皆病六七日間者以此也
其不兩感於寒者七日巨陽

病衰頭痛少愈

邪氣漸退經氣漸和故少愈

八日陽明病衰身熱少

愈九日少陽病衰耳聾微聞十日太陰病衰腹減如故
則思飲食十一日少陰病衰渴止不滿舌乾已而噦十

二日厥陰病衰囊縱少腹微下大氣皆去病日已矣

大氣

謂大邪之氣也是故其愈皆病十日已上者以此也

帝曰治之奈何歧伯曰治之

各通其藏脈病日衰已矣其未滿三日者可汗而已其

滿三日者可泄而已

此言表裏之大體也正理傷寒論曰脈大浮數病為在表可發其汗

脈細沈數病在裏可下之由此則雖日過多但有表證而脈大浮數猶宜發汗日數雖少即有裏證而脈沈細數猶宜下之正應

帝曰熱病已愈時有所遺者何也

邪氣

去不盡如遺之在人也

岐伯曰諸遺者熱甚而強食之故有所遺

也若此者皆病已衰而熱有所藏因其穀氣相薄兩熱

相合故有所遺也帝曰善治遺奈何岐伯曰視其虛實

調其逆從可使必已矣

審其虛實而補寫之則必已

帝曰病熱當何

禁之岐伯曰病熱少愈食肉則復多食則遺此其禁也

是所謂戒食勞也熱雖少愈猶未盡除脾胃氣虛故未能消化肉堅食駐故熱復生復謂復舊病也

帝曰

其病兩感於寒者其脈應與其病形何如岐伯曰兩感

於寒者病一日則巨陽與少陰俱病則頭痛口乾而煩

滿

新校正云按傷寒論云煩滿而渴

二日則陽明與太陰俱病則腹滿

身熱不欲食譫言

譫言謂妄謬而不次也新校正云按揚上善云多言也

三日則

少陽與厥陰俱病則耳聾囊縮而厥水漿不入不知人

六日死

巨陽與少陰為表裏陽明與太陰為表裏少陽與厥陰為表裏故兩感寒氣同受其邪

帝

曰五藏已傷六府不通榮衛不行如是之後三日乃死何也岐伯曰陽明者十二經脈之長也其血氣盛故不

知人三日其氣乃盡故死矣

以上承氣海故三日氣盡乃死

凡病傷寒

而成溫者先夏至日者為病溫後夏至日者為病暑暑

當與汗皆出勿止

此以熱多少盛衰而為義也陽熱未盛為寒所制故為病曰溫陽熱大盛

寒不能制故為病曰暑然暑病者當與汗之令愈勿反之令其甚也
新校正云按凡病傷寒已下全元起本在奇病論中王氏移於此楊上善云冬傷於寒輕者夏至以前發為溫病冬傷於寒甚者夏至以後發為暑病

刺熱論篇第三十二

新校正云按全元起本在第五卷

肝熱病者小便先黃腹痛多卧身熱

肝之脈環陰器抵少腹而上故小便

不通先黃腹痛多卧也
寒薄生熱身故熱馬
熱爭則狂言及驚脇滿痛手足

躁不得安卧

經絡雖已受熱而神藏猶未納邪邪正相薄故云爭也餘爭同之又肝之脈從少腹

上俠胃貫膈布脇肋循喉嚨之後絡古本故狂言脇滿痛也肝性靜而主驚駭故病則驚手足躁擾卧不得安

庚辛甚甲乙大汗氣逆則庚辛死

肝主木庚辛為金金剋木故甚死於庚辛

也甲乙為木故大汗於甲乙

刺足厥陰少陽

厥陰肝脈少陽膽脈

其逆則頭痛

員員脈引衝頭也

肝之脈自舌本循喉嚨之後上出額與督脈會於顛故頭痛自自然脈引

衝於頭中也員員謂似急也

心熱病者先不樂數日乃熱

夫所以任治於物者

謂心病氣入於經絡則神不安治故先不樂數日乃熱也

熱爭則卒心痛煩悶善嘔

頭痛面赤無汗

心手少陰脉起於心中其支別者從心系上俠咽小腸之脉直行者循咽下鬲

抵胃其支別者從缺盆循頸上頰至目外眦故卒心痛煩悶善嘔頭痛面赤也心在液為汗今病熱故無汗以

出 新校正云按甲乙經外皆作兌 皆王注厥論亦作兌皆外當作兌

壬癸甚丙丁大汗

氣逆則壬癸死

心主火壬癸為水水滅火故甚死於壬癸也丙丁為火故大汗於丙丁氣逆之

證經闕其文

刺手少陰太陽

少陰心脉太陽小腸脉

脾熱病者先頭重

頰痛煩心顏青欲嘔身熱

胃之脉起於鼻交頰中下循鼻外入上齒中還出俠口環

唇下交承漿却循頤後下廉出大迎循頰車上耳前過客主人循髮際至額顙故先頭重頰痛顏青也脾之脉

支別者復從胃別上鬲注心中其直行者上鬲俠咽故煩心欲嘔而身熱也 新校正云按甲乙經太素云脾

熱病者先頭重頰痛無頰青二字也熱爭則膏痛不可用俛仰腹滿泄兩

頰痛

胃之脈支別者起胃口下循腹裏下至氣街中而合以下解氣街者腰之前故腰痛也脾之脈入腹

屬脾絡胃又胃之脈自交承漿却循頤後下廉出大迎循頰車故腹滿泄而兩頰痛甲乙甚戊己

大汗氣逆則甲乙死

脾主土甲乙為木木伐土故甚死於甲乙也戊己為土故大汗於戊

己氣逆之證

刺足太陰陽明

太陰脾脈陽明胃脈校正云按甲乙經熱病下

篇云病先頭重頰痛煩心身熱熱爭則腰痛不可用俛仰腹滿兩頰痛其暴泄善飢而不欲食善噫熱中足清腹脹食不化善嘔泄有膿血苦嘔無所出先取三里後取太白章門肺熱病者先漸然厥

起毫毛惡風寒舌上黃身熱

肺主皮膚外養於毛故熱中之則先漸然惡風寒起

毫毛也肺之脉起於中焦下絡大腸還循胃
口今肺熱入胃胃熱上升故舌上黃而身熱熱爭則喘

欬痛走胸膈背不得大息頭痛不堪汗出而寒

肺居高上氣主

胃膈復在變動為欬又藏氣而主呼吸背復為胸中之
府故喘欬痛走胃膈背不得大息也肺之絡脉上會耳
中今熱氣上熏故頭

丙丁甚庚辛大汗氣逆則丙丁死

肺主金丙丁為火火燥金故甚死於丙丁也庚
辛為金故大汗於庚辛也氣逆之證經闕未書

刺手太

陰陽明出血如大豆立已

太陰肺脉陽明大腸脉當視其絡脉盛者乃刺而出之

腎熱病者先腰痛骭痠苦渴數飲身熱

膀胱之脉從肩髀內俠脊抵腰

中又腰為腎之府故先腰痛也又腎之脉自循內踝之
後上腠內出膈內廉又直行者從腎上貫肝膈入肺中

循喉嚨俠舌本故筋
痠苦渴數飲身熱

熱爭則項痛而強
筋寒且痠足下

熱不欲言

膀胱之脈從腦出別下項又腎之脈起於小指之下斜趨足心出於然骨之下循內踝之

後別入跟中以上膈內又其直行者從腎上貫肝鬲入肺中循喉嚨俠舌本故項痛而強筋寒且痠足下熱不

欲言也

新校正云按

其逆則項痛員員澹澹然

腎之筋循

脊內俠脊上至項結於枕骨與膀胱之筋合膀胱之脈又並下於項故項痛員員然也澹澹為似欲不定也

戊己甚壬癸大汗氣逆則戊己死

腎主水戊己為土土刑水故甚死於戊己

也壬癸為水故

刺足少陰太陽

少陰腎脈太陽膀胱脈

諸汗者至

其所勝日汗出也

氣王日為所勝王則勝邪故各當其王日汗

肝熱病者左

頰先赤

肝氣合木木氣應春南面正理之則其左頰也

心熱病者頰先赤

心氣合火

火氣炎上指象明候故候於頰頰額也

脾熱病者鼻先赤

脾氣合土土王於中鼻處面中

故占肺熱病者右頰先赤

肺氣合金金氣應秋南面正理之則其右頰也

腎熱

病者頤先赤

腎氣合水水惟潤下指象明候故候於頤也

病雖未發見赤色

者刺之名曰治未病

聖人不治已病治未病不亂治未亂此之謂也

熱病從

部所起者至期而已

期為大汙日也如肝甲乙心丙丁脾戊己肺庚辛腎壬癸是為期日

也其刺之反者三周而已

反謂反取其氣也如肝病刺

刺肺肺病刺肝者皆是反刺五藏之氣也三周謂三周於三陰三陽之脈狀也又太陽病而刺寫陽明陽明病

而刺寫少陽少陽病而刺寫太陰太陰病而刺寫少陰
少陰病而刺寫厥陰如此是為反取三陰三陽之脈氣
也
重逆則死
先刺已反病氣流傳又反刺之是為重逆
一逆刺之尚至三周乃已況其重逆而得

生諸當汗者至其所勝日汗大出也

王則勝邪故各當
其王日汗新校

正云按此條文注二十四字與前文重
複當從刪去甲乙經太素亦不重出

諸治熱病以飲

之寒水乃刺之必寒衣之居止寒處身寒而止也

在寒水
在胃

陽氣外盛故飲寒乃刺熱
退則涼生故身寒而止針

熱病先胸脇痛手足躁刺足

少陽補足太陰

此則舉正取之例然足少陽木病而寫
足少陽之木氣補足太陰之土氣者恐

木傳於土也胸脇痛丘虛主之灸虛在足外踝下如前
陷者中足少陽脈之所過也刺可入同身寸之五分留

七呼若灸者可灸三壯熱病手足躁經無所主治之旨
然補足太陰之脈當於井榮取之也 新校正云詳足

太陰全元起本及太素作手太陰楊上善云手太陰上
屬肺從肺出腋下故胸脇痛又按靈樞經云熱病而胸
脇痛手足躁取之筋間以第四鍼索筋於肝不得
索之於金金肺也以此決知作手太陰者為是 病甚

者為五十九刺

五十九刺者謂頭上五行行五者以越
諸陽之熱逆也大抒膺俞缺盆背俞此

八者以寫胸中之熱也氣衝三里巨虛上下廉此八者
以寫胃中之熱也雲門髃骨委中髓空此八者以寫四
支之熱也五藏俞傍五此十者以寫五藏之熱也凡此
五十九穴者皆熱之左右也故病甚則兩刺之然頭上
五行者當中行謂上星顙會前項百會後項次兩傍謂
五處承光通天絡却玉枕又刺兩傍謂臨泣目窻正營
承靈腦空也上星在顙上直鼻中央入髮際同身寸之
一寸陷者中容豆刺可入同身寸之四分 新校正云

按甲乙經四分作三分水熱穴論注亦作三分詳此注下文云刺如上星法又云刺如顙會法既有二法則當

依甲乙經及水熱穴論注上星刺入三分顙會刺入四分

顙會在上星後同身寸之一寸陷者中刺如上星法前

項在顙會後同身寸之一寸五分骨間陷者中刺如顙

會法百會在前項後同身寸之一寸五分項中央旋毛

中陷容指督脈足太陽脈之交會刺如上星法後項在

百會後同身寸之一寸五分枕骨上刺如顙會法然是

五者皆督脈氣所發也上星留六呼若灸者並灸五壯

次兩傍穴五處在上星兩傍同身寸之一寸五分承光

在五處後同身寸之一寸通天在承光後同身寸之一

寸五分絡却在通天後同身寸之一寸五分玉枕在絡

却後同身寸之七分然是五者並足太陽脈氣所發刺

可入同身寸之三分五處通天各留七呼絡却留五呼

玉枕留三呼若灸者可灸三壯新校正云按甲乙經

承光不可灸玉枕刺入二分又刺兩傍臨泣在頭直

目上入髮際同身寸之五分足太陽少陽陽維三脈之
會目窓正營通相去同身寸之一寸承靈腦空通相去
同身寸之一寸五分然是五者並足少陽陽維二脈之
會腦空一穴刺可入同身寸之四分餘並可刺入同身
寸之三分臨泣留七呼若灸者可灸五壯大杼在項第
一椎下兩傍相去各同身寸之一寸半陷者中督脈別
絡足太陽手太陽三脈氣之會刺可入同身寸之三分
留七呼若灸者可灸五壯新校正云按甲乙經作七
壯氣穴注作七壯刺瘡注水熱穴注作五壯膺俞者膺
中俞也正名中府在胸中行兩傍相去同身寸之六寸雲
門下一寸乳上三肋間動脈應手陷者中仰而取之手
足太陰脈之會刺可入同身寸之三分留五呼若灸者
可灸五壯缺盆在肩上橫骨陷者中手陽明脈氣所發
刺可入同身寸之二分留七呼若灸者可灸三壯背俞
當是風門熱府在第二椎下兩傍各同身寸之一寸半
督脈足太陽之會刺可入同身寸之五分留七呼若灸

者可灸五壯驗今明堂中詰圖經不言背俞未詳果何處也新校正云按王注水熱穴論以風門熱府為背

俞又注氣穴論以大杼為背俞此注云未詳三注不同蓋疑之也氣衝在腹齊下橫骨兩端腧龜上同身寸

之一寸動脈應手足陽明脈氣所發刺可入同身寸之三寸留七呼若灸者可灸五壯三里在膝下同身寸之三寸衝外廉兩筋肉分間足陽明脈之所入也刺可入同身寸之一寸留七呼若灸者可灸三壯巨虛上廉足陽明與大腸合在三里下同身寸之三寸足陽明脈氣所發刺可入同身寸之八分若灸者可灸三壯巨虛下廉足陽明與小腸合在上廉下同身寸之三寸足陽明脈氣所發刺可入同身寸之三分若灸者可灸三壯雲門在巨骨下胸中行兩傍新校正云按氣穴論注胸中行兩傍作俠任脈傍橫去任脈文雖異穴之處所則同

相去同身寸之六寸動脈應手中府當其下同身寸之一寸雲門手太陰脈氣所發舉臂取之刺可入同身

寸之七分若灸者可灸五壯驗今明堂中腧圖經不載
髃骨穴尋其穴以寫四支之熱恐是肩髃穴穴在肩端
兩骨間手陽明踴脈之會刺可入同身寸之六分留六
呼若灸者可灸三壯委中在足膝後屈處腠中央約文
中動脈 新校正云詳委中穴與氣穴注骨空注刺瘡
論注并此王氏四處注之彼三注無足膝後屈處五字
與此注異者非實有異蓋注有詳略爾 足太陽脈之
所入也刺可入同身寸之五分留七呼若灸者可灸三
壯髓室者正名腰俞在脊中第二十一椎節下間督脈
氣所發刺可入同身寸之二分 新校正云按甲乙經
作二寸水熱穴論注亦作二寸氣府論注骨空論注作
一分 留七呼若灸者可灸三壯五藏俞傍五者謂魄
戶神堂魂門意舍志室五穴也在俠脊兩傍各相去同
身寸之三寸並足太陽脈氣所發也魄戶在第三椎下
兩傍正坐取之刺可入同身寸之五分若灸者可灸五
壯神堂在第五椎下兩傍刺可入同身寸之三分若灸

者可灸五壯魂門在第九椎下兩傍正坐取之刺可入
同身寸之五分若灸者可灸三壯意舍在第十一椎下兩
傍正坐取之刺可入同身寸之五分若灸者可灸三壯
志室在第十四椎下兩傍正坐取之刺可入同身寸之
五分若灸者可灸三壯是所謂此經之五十九刺法也
若鍼經所指五十九刺則殊與此經不同雖俱治熱病
之要穴然合用之理全向背猶當以病
候形證所應經法即隨所證而刺之

熱病始手臂痛

者刺手陽明太陰而汗出止

手臂痛列缺主之列缺者手太陰之絡去腕上同身

寸之一寸半別走陽明者也刺可入同身寸之三分留
三呼若灸者可灸五壯欲出汗商陽主之商陽者手陽
明脈之井在手大指次指內側去爪甲角如韭葉手陽
明脈之所出也刺可入同身寸之一分留一呼若灸者
可灸三壯
熱病始於頭首者刺項太陽而汗出止
天柱主之天柱在俠

項後髮際大筋外廉陷者中足太陽脈氣所發刺
可入同身寸之二分留六呼若灸者可灸三壯 熱病

始於足脛者刺足陽明而汗出止
新校正云按此條素問本無太素亦無今

按甲乙經添入 熱病先身重骨痛耳聾好瞑刺足少陰
據經無正主穴

當補寫并榮爾 新校正云按靈樞經云熱病而身重
骨痛耳聾而好瞑取之骨以第四鍼索骨於腎不得索

之土土脾也 病甚為五十九刺
如古法 熱病先眩冒而熱胸脇

滿刺足少陰少陽
亦并榮也 太陽之脈色榮顴骨熱病也
榮也

也謂赤色見於顴骨如榮飾也顴骨謂目下當外眥也
太陽合火故見色赤
新校正云按楊上善云赤色榮

顴者骨熱病也與 榮未交
新校正云按甲乙經太素作榮未天下文榮未交亦作天

王氏之注不同

曰今且得汗待時而已

榮一為營字之誤也曰者引古經法之端由也言色雖明盛但

陰陽之氣不交錯者故法云今且得汗之而已待時者謂肝病待甲乙心病待丙丁脾病待戊己肺病待庚辛腎病待壬癸是謂待時而已所謂交者次如下句與厥陰脈爭見者死期不過

三日

外見太陽之赤色內應厥陰之弦脈然太陽受病當傳入陽明今反厥陰之脈來見者是土敗而木

賊之也故死然土氣已敗木復狂行木生數三故期不過三日其熱病內連腎少陽之

脈色也

是病或為氣忍字誤也若赤色氣內連鼻兩傍者是少陽之脈色非厥陰色何者腎部近於鼻也

新校正云詳或者欲改腎作鼻按甲乙經太素並作腎陽上善云太陽水也厥陰木也水以生木木盛水衰故太陽水色見時有木爭見者水死以其熱病內連於腎腎為熱傷故死本舊無少陽之脈色也六字乃王氏

所添王注非常
從上善之義

少陽之脈色榮頰前熱病也

頰前即頰骨下近鼻

兩傍也

新校正云按甲乙經太素前字作筋揚上善云足少陽部在頰赤色榮之即知筋熱病也

榮未

交曰今且得汗待時而已與少陰脈爭見者死期不過

三日

少陽受病當傳入於太陰今反少陰脈來見亦土敗而木賊之也故死不過三日亦木之數然新

校正云詳或者欲改少陰作厥陰按甲乙經太素作少陰揚上善云少陽為木少陰為水少陽色見之時有少陰爭見者是母勝子故木死王作此注亦非舊本及甲乙經太素並無死期不過三日六字此是王氏成足此文

也熱病氣穴三椎下間主胸中熱四椎下間主膈中熱

五椎下間主肝熱六椎下間主脾熱七椎下間主腎熱

榮在骶也

脊節之謂椎脊窮之謂骶言腎熱之氣外通尾骶也尋此文椎間所主神藏之熱又不正

當其藏俞而云項上三椎陷者中也

此舉數脊椎大法也言三椎下間主

胸中熱者何以數之言皆當以陷者中為氣發之所

頰下逆顴為大瘕下牙車為

腹滿顴後為脇痛頰上者鬲上也

此所以候面部之色發明腹中之病診

評熱病論第三十三

新校正云按全元起本在第五卷

黃帝問曰有病溫者汗出輒復熱而脈躁疾不為汗衰

狂言不能食病名為何岐伯對曰病名陰陽交交者死

也

交謂交合陰陽之氣不分別也

帝曰願聞其說岐伯曰人所以汗出

者皆生於穀穀生於精

言穀氣化為精精氣勝乃為汗

今邪氣交爭於

骨肉而得汗者是邪却而精勝也

言初汗也

精勝則當能食

而不復熱復熱者邪氣也汗者精氣也今汗出而輒復

熱者是邪勝也不能食者精無俾也

無俾言無可使為汗也穀不化則精

不生精不化流故無可使

病而留者其壽可立而傾也

如是者若汗出疾速留者

而不去則其壽命立至傾危也而留者按王注病當作疾又按甲乙經作而熱留者

新校正云詳病且

夫熱論曰汗出而脈尚躁盛者死

熱論謂上古熱論也凡汗後脈當遲靜而

反躁急以盛滿者是真氣竭而邪盛故知必死也

今脈不與汗相應此不勝其

病也其死明矣

脈不靜而躁盛是不相應

狂言者是失志失志者死

志舍於精今精無可使是志無所居志不留居則失志也

今見三死不見一生雖愈

必死也

汗出脈躁盛一死不勝其病二死狂言失志者三死也

帝曰有病身熱汗

出煩滿煩滿不為汗解此為何病歧伯曰汗出而身熱

者風也汗出而煩滿不解者厥也病名曰風厥帝曰願

卒聞之歧伯曰巨陽主氣故先受邪少陰與其為表裏

也得熱則上從之從之則厥也

上從之謂少陰隨從於太陽而上也

帝曰

治之奈何歧伯曰表裏刺之飲之服湯

謂寫太陽補少陰也飲之湯者

謂止逆上之腎氣也

帝曰勞風為病何如歧伯曰勞風法在肺下

從勞風生故曰勞風勞謂腎勞也腎脈者從腎上貫肝膈入肺中故腎勞風生上居肺下也

其為病

也使人強上冥視

新校正云按揚上善云強上好仰也冥視謂合眼視不明也又千金方冥

視作目眩

唾出若涕惡風而振寒此為勞風之病

勝胱脈起於目內眥

上額交巔上入絡腦還出別下項循肩膊內俠脊救腰中入循脊絡腎今腎精不足外吸膀胱勝胱氣不能上營故使人頭項強而視不明也肺被風薄勞氣上重故令唾出若鼻涕狀腎氣不足陽氣內攻勞熱相合故惡風而振寒帝曰治之奈何歧伯曰以救俛仰

謂屈伸也言止

屈伸於動作不使勞氣滋蔓

巨陽引精者三日中年者五日不精者

七日

新校正云按甲乙經作三日中若五日千金方作候之三日及五日中不精明者是也與此不同

欬出青黃涕其狀如膿大如彈丸從口中若鼻中出不

出則傷肺傷肺則死也

巨陽者膀胱之脈也膀胱與腎為表裏故巨陽引精也巨大也

然太陽之脈吸引精氣上攻於肺者三日中年者五日素不以精氣用事者七日當欬出稠涕其色青黃如膿狀平調欬者從咽而上出於口暴卒欬者氣衝突於蓄門而出於鼻夫如是者皆腎氣勞竭肺氣內虛陽氣氣迫之所為故不出則傷肺也肺傷則榮衛散解魄不內治故死
新校正云按王氏云卒暴欬者氣衝突於蓄門而出於鼻按難經七衝門無蓄門之名疑是責門楊操云責者高也胃氣之所出胃出穀氣以傳於肺肺在高上故胃
帝曰有病腎風者面眦眊然壅害於言可刺

不疣然腫起貌壅謂目下壅如卧蠶形也腎之脈從腎上貫肝鬲入肺中循喉嚨俠舌本故妨害於言語

岐伯曰虛不當刺不當刺而刺後五日其氣必至

至謂病氣

來至也然謂藏配一日而五日至腎夫腎已不足風內薄之謂腫為實以針大泄反傷藏氣真氣不足不可復故刺後五日帝曰其至何如岐伯曰至必少氣時熱時其氣必至也

熱從胛背上至頭汗出手熱口乾苦渴小便黃目下腫腹中鳴身重難以行月事不來煩而不能食不能正偃正偃則欬病名曰風水論在刺法中

刺法篇名今經亡

帝曰願

聞其說岐伯曰邪之所湊其氣必虛陰虛者陽必湊之

故少氣時熱而汗出也小便黃者少腹中有熱也不能
正偃者胃中不和也正偃則欬甚上迫肺也諸有水氣
者微腫先見於目下也帝曰何以言歧伯曰水者陰也
目下亦陰也腹者至陰之所居故水在腹者必使目下
腫也真氣上逆故口苦舌乾卧不得正偃正偃則欬出
清水也諸水病者故不得卧卧則驚驚則欬甚也腹中
鳴者病本於胃也薄脾則煩不能食食不下者胃脘隔
也身重難以行者胃脈在足也月事不來者胞脈閉也

胞脈者屬心而絡於胞中今氣上迫肺心氣不得下通

故月事不來也

考上文所釋之義未解熱從胸背上至頭汗出手熱口乾苦渴之義應古論簡

脫而此差謬之爾如是者何腎少陰之脈從腎上貫肝高入肺中循喉嚨俠舌本又膀胱太陽之脈從目內眦上額交巔上其支者從巔至耳上角其直者從巔入絡腦還出別下項循肩膊內俠脊抵胛中入循脊今陰不足而陽有餘故熱從胸背上至頭而汗出口乾苦渴也然心者陽藏也其脈行於臂手腎者陰藏也其脈循於胸足腎不足則心氣有餘故手熱帝曰善矣又以心腎之脈俱是少陰脈也

逆調論篇第三十四

新校正云按全元起本在第四卷

黃帝問曰人身非常溫也非常熱也為之熱而煩滿者

何也

異於常候故曰非常
云按甲乙經無為之熱三字

新校正 岐伯對曰陰氣少

而陽氣勝故熱而煩滿也帝曰人身非衣寒也中非有

寒氣也寒從中生者何

言不知誰為元主邪

岐伯曰是人多痺氣

也陽氣少陰氣多故身寒如從水中出

言自由形氣陰陽之為是非衣

寒而中有寒也

帝曰人有四支熱逢風寒如炙如火者何也

新校

正云按全元起本無如火二字太素云如炙於火當從太素之文

岐伯曰是人者陰氣

虛陽氣盛四支者陽也兩陽相得而陰氣虛少少水不能滅盛火而陽獨治獨治者不能生長也獨勝而止耳

水為陰火為陽今陽氣有餘陰氣不足故云少水不逢能滅盛火也治者王也勝者盛也故云獨勝而止

風而如灸如火者是人當肉爍也

爍言消也言久久此人當肉消削也新

校正云詳如灸如火當從太素作如灸於火

帝曰人有身寒湯火不能熱厚

衣不能溫然不凍慄是為何病歧伯曰是人者素腎氣

勝以水為事太陽氣衰腎脂枯不長一水不能勝兩火

腎者水也而生於骨腎不生則髓不能滿故寒甚至骨

也

以水為事言盛故也

所以不能凍慄者肝一陽也心二陽也腎

孤藏也一水不能勝二火故不能凍慄病名曰骨痺是

人當學節也

腎不生則髓不滿髓不滿則筋乾縮故節拘攣

帝曰人之肉苛者

雖近衣絮猶尚苛也是謂何疾

苛謂痛重

岐伯曰榮氣虛衛

氣實也榮氣虛則不仁衛氣虛則不用榮衛俱虛則不

仁且不用肉如故也人身與志不相有曰死

身用志不慮志為身

不親兩者似不相有也

新校正

帝曰人有逆氣不得

云按甲乙經曰死作三十日死也

卧而息有音者有不得卧而息無音者有起居如故而

息有音者有得卧行而喘者有不得卧不能行而喘者

有不得卧卧而喘者皆何藏使然願聞其故岐伯曰不

得卧而息有音者是陽明之逆也足三陽者下行今逆

而上行故息有音也陽明者胃脈也胃者六府之海

水穀

也海其氣亦下行陽明逆不得從其道故不得卧也下經

曰胃不和則卧不安此之謂也

下經上古經也

夫起居如故而

息有音者此肺之絡脈逆也絡脈不得隨經上下故留

經而不行絡脈之病人也微故起居如故而息有音也

夫不得卧卧則喘者是水氣之客也夫水者循津液而

流也腎者水藏主津液主卧與喘也帝曰善

尋經所解之旨不得

卧而息無音有得卧行而喘有不得卧不能
行而喘此三義悉闕而未論亦古之脫簡也

黃帝內經素問卷九

黃帝內經素問卷九音釋

熱論譔

之間切
多言也

怫

弗音

刺熱論頷

胡感切

痠

音

胛

行音

跟

根音

評熱病論肘癰

下莫切

膊

博音

逆調論苛

胡切

歌

黃帝內經素問卷九音釋

謹案卷八第七頁前四行按鍼解篇云刊本篇訛
論據本書篇目改

第七頁後六行水下五十刻刊本水訛之據上下
文改

第九頁前二行宿三十六分刊本脫宿字據靈樞
經增

第九頁前四行日行二十五分刊本脫五字據靈
樞經增

第十頁前三行以候氣之浮沈按以候二字吳崐
本作四時

第十三頁前八行外合於瀆水按靈樞經瀆水作
清水

第十三頁後一行外合於汚水按靈樞經作澠水
第十五頁前三行調經論曰刊本調經訛經調據
本書篇目改

第十六頁後五行補寫奈何按吳崐本補寫作取

血

第十八頁前八行是寸脉急而尺緩也按吳崐本
緩作紫

第二十一頁前六行帝曰按張志聰注云當作岐
伯曰

第二十二頁後八行肥貴人則高粱之疾也按腹
中論注肥字上有甘字

第二十三頁前四行甘者令人中滿刊本甘訛目

據奇病論及腹中論注改

第二十五頁前一行得水穀津液刊本液訛液據
經文改

音釋第一頁前二行瞋音舜刊本瞋訛瞋舜訛寅
按本篇間不容瞋句全元起本作眴考集韻瞋
眴字通並音舜今據改

卷九第五頁後七行故先頭重頰痛顏青也刊本
重訛里據經文改

第六頁前二行起胃口下循腹裏刊本口下訛下
口據靈樞經改

第七頁前三行以上喘內刊本喘訛臆據靈樞經
改

第九頁前二行陷者中刊本脫中字據水熱穴論
注增


第十頁前三行動脉應手刊本脫脉字據水熱穴
論注增

第十一頁前三行若灸者可灸三壯按水熱穴論
注三壯作五壯

第十四頁後三行又千金方刊本千訛十今改

第十五頁後七行刺法篇名今經亡刊本亡訛者

按經文刺法論篇自在七十二已亡佚今據改



總校官候補中書 臣 吳紹濬
校對官庶吉士 臣 何思均
謄錄監生 臣 張元信